



New Hampshire

**Department of Education**

Buug ga'ameedky  
Ilaaliyowky Nithaamky  
Walbarashathy Qaasky eh

**Nufeembar 2023**

# Qiiibty B Ogeysiisky Ilaaliyowky Nithaamky

Shar'igy Walbarashathy Shaqsiyaalky Uryaangky eh ee (IDEA), shar'igy Federaalky oo quseeyi walbarashathy ee ardeythy uryaangky eh, may ing baahangyaa iskoolyaalky inii ising, waalidiingty haysathaang owlaaddy uryaangky eh, inii siing siyaang ogeysiis oo ku mid eh sharahaad buuty oo ky saabseng ilaalingty nithaamky oo hoos kooyaasy IDEA ii U.S. Heeryaalky Waahthy ee Walbarashathy. **Kooby oo ku mid eh ogeysiiskung yawu inii liky siiy athy hal waqy oo eh sinid dugsiyeeydky, maddi taasy liky reeby waa inii athy liky siiyu kooby:**

(1) Gudbiyowky ingky horeeyi amy odsigaa qiimeeyowky;

(2) maddii athy ku hally abashoothaa ing horeeyti ee Gobolky ee hoos kooyaasy 34 CFR §§300.151 ilaa 300.153 ii maddii athy hally abashoothaa haquuq dhoorowky letty ee ing horeeyti oo hoos kooyaasy §300.507 sinnid dugsiyeeydky;

(3) maddii la deero go'aang oo tilaaby liku qaathaw edbingty haku horjeeddy onogaa taaseey oo ing dhigimaasy beddelky meeleeeyowky; ii

(4) maddii athy odsaty. [34 CFR §300.504(a)]

## **Waahthy Walbarashathy ee Mareeykangky**

Hafiisky Walbarashathy Qaasky eh ii Atheegyaaalky Bahnaaniyowky,  
Hafiisky Barnaamijyaalky Walbarashathy Qaasky eh

## Hordhigy

Owlaaddy may eed ingky dhowyaan inii guuleysathaang maddii waalidiingty ii maalimiingty sy wathy jiry eh inisly shaqeeyaayaang sy ing hormariyaang oo ing deeraang hathafyaalky walbarashathy oo lingky talgaly owlaaddy uryaangky eh. Shar'igy dowlidyy dhehy ii kang Gobolky iyaa may siyaayaang waalidiingty fursathiyaal sy ingky qiiqbqaathathaang qorsheeyowky ii go'aang ku deerowky oo quseeyi baahiyaalky walbarashathy qaasky eh ee owlaadiyo.

Buug ga'ameedkung may lang suubiyeey inii siiyo waalidiingty, ardeythy wiiwiing oo uryaangky eh, maalimiingty, ii kuwoo kaly oo ma'aluumaad ky saabseng haquuqty waalidky/owlaaddy oo ky jiraang qaabky walbarashathy qaasky eh. Haquuqyaalkung may la aree "habky ilaaliyowky."

Koohthy IEP-gy iyaa go'aamiyaayaan qiimeeyowky, ing qalmitaangky, Barnaamjidky Walbarashathy Shaqsigy eh (IEP), ii meeleyowky walbarashathy ee owlaaddy. Magaagy rasmigy eh ee Koohthy maybuwaa Koohthy IEP-gy, laakiing may liky tilmaamy koree maghayaal kaly iithy oo ky hiringty shaqathy amy walqabadky oo diiridyy la saary. Koohthy IEP-gy maybuwaa koothy ingty bathang deeraasy go'aangyaalky ingky wiiwiing oo ky saabseng baahiyaalky ii atheegyaaalky walbarashathy qaasky eh ee owlaaddy.

Waalidiingty maybuwaa hubingyaal oo ky tirsang Koohthy ee IEP-gy; odky waalidky maybuwaa mid muhiim eh oo lang baahangi inii liky daro. Qaabky walbarashathy qaasky eh may siyaasee waalidiingty fursad oo kily wathaagaang aqoongtiyo ii qibradiyo oo ky saabseng owlaadiyo ii kuwoo kaly oo ky tirsangyaang Koohthy owlaadiyo. Shar'igy may lang aasaaseey inii siyo waalidiingty fursadyaal sy ingku qiihgalaang nithaamky walbarashathy qaasky eh ii hormariyowky hariirky ku dhaheeyi iskoolyaalky ii waalidiingty yo oo ku wakiil eh owlaadiyo. Nithaamky walbarashathy qaasky eh may eed waltar ing weelathee maddii waalidiingty ii shaqaaliyaalky iskoolky oo sy feyli lang wargeliyo oo awoothang inii sy wathy jir eh ing wathy shaqeeyaang.

May sy goony en muhiim ing aha ini waalidiingty ii kuwy kaly oo ku lug leyaang nithaamky walbarashathy qaasky eh oo fahamaayaang haquuqyaalsho oo ku warqobaang shar'igy haddithang ii hanibaaddy kaly sy oo buuty ing halaang walbarashy ky haboong oo bilaash eh oo bihiyaasy qarashk ydadwiinaagy (FAPE).


## Kaalmy bilaash eh amy Qiimigy-Hoos eh/ Alaabty

<b>Harungty Ma'aluumaadky Waalidky (PIC)</b> 54 Old Suncook Road Concord, New Hampshire 03301 (603) 224-7005 or 1-800-947-7005 <a href="http://www.picnh.org">www.picnh.org</a>	<b>Harungty Haquuqty Naafayaalky (Disabilities Right Center), Inc.</b> P.O. Box 3660 Concord, New Hampshire 03301 Taleefoongky: (603) 228-0432 amy 1-800-834-1721 li-meylky: <a href="mailto:advocacy@drcnh.org">advocacy@drcnh.org</a> <a href="http://www.drcnh.org">www.drcnh.org</a>	<b>Hafiisky Walbarashathy Qaasky eh, Waahthy Walbarashathy ee New Hampshire</b> 25 Hall Street Concord, New Hampshire 03301 Taleefoongky: (603) 271-3741
---	--	---

Fadlang ogaaw inkasto buug ga'ameedkung buuyow sharuudy hoos kooyaasy Shar'igy *Walbarashathy Shaqsigy Uryaangky eh ee 2004 (IDEA 2004)* inii waalidiingty ly siiyo dukumiingty qorang oo qeehaaw dhoorowky nithaamky oo haq ing leyaang, miky jary kuli qoraalky midshoony shar'iyaalky amy heeryaalky walbarashathy qaasky eh ee Federaalky amy Gobolky.

# Dulmarowky guud ee New Hampshire Nithaamky Walbarashathy Qaasky eh

Nithaamky walbarashathy qaasky eh may ku mid eyaa tilaabayaalky qaasky eh, mid walby may wethete sharuuthoshee. Tilaaby walby oo nithaamky walbarashathy qaasky eh may ku mid ahaa qaabyaal athy ii degmathy iskoolky ini ly wathy shaqeeyi. Isky hig higy walbarashathy qaasky eh maybuwaa:



*Fiirmy qaas eh: Qaar ku mid eh shirirkun oo lang baahangyi iyaa liisky dary kory. Walaagii ma'aluumaad dheeraad eh oo ky saabseng habraagy tilaabiyaalky, fiiry heeryaalky amy booqooy [www.picnh.org](http://www.picnh.org).*

# Tusmiyaalky Jadwalky

---

<b>Ma'aluumaadky Guud .....</b>	<b>1</b>
Ogeysiisky Horry oo Qorong .....	1
Afky Aayow .....	2
Boostathy Elektaroonigy eh .....	2
Ogolaangshigy Waalidky—Qeehowky .....	3
Ogolaangshigy Waalidky .....	3
Qiimeeyowky Walbarashathy Mathy banaang .....	7
<b>Ma'aluumaadky Qarsoothigy eh .....</b>	<b>9</b>
Qeehowyaalky .....	9
Shaqsy ahaang liky Aqoongsathy kory .....	9
Ogeysiisky ee Waalidiingty .....	9
Haquuqyaaly Galowky .....	10
Halowky Diiwaangky .....	10
Diiwaangyaalky Wal ku bathang Hal Onog .....	11
Nooyaalky Liisky ii Meeloogy ee Ma'aluumaadky .....	11
Qarashyaalky .....	11
Wal ku beddelky Diiwaangyaalky Odsigy Waalidiingty .....	11
Fursaddy Dhageysathowky .....	12
Nithaamyaalky Dhageysathowky .....	12
Natiijathy Dhageysathowky .....	12
Ogolaangshigy Shaa'iyowky Ma'aluumaadky Shaqsigy oo liky Aqoongsathy kory ..	12
Ilaaliyaalky .....	13
Burburiyowky ee Ma'aluumaadky .....	13
<b>Nithaamyaalky Abashathy ee Gobolky.....</b>	<b>14</b>
Farqigy ing Dhaheeyi Nithaamyaalky oo lingky talgaly Abashayaalky Nithaamky Adaaladdy eh ii	
Dhageysiyaalky ii Abashayaalky Gobolky .....	14
Qaathashathy Nithaamyaalky Abashathy ee Gobolky .....	14
Nithaamyaalky Abashathy Gobolky ingky yar .....	15
Feyl gareeyowky Abashathy Gobolky .....	16
<b>Nithaamyaalky Abashathy ee Habky Haqy leyyi.....</b>	<b>18</b>
Feyl gareeyowky Abashathy ee Habky Haqy letty .....	18
Abashathy Habky Haqy letty .....	18
Dhehdhehaathiyowky .....	20
Habky Haliyowky .....	22

<b>Dhageysiyaalky Dawathoogy Haquuq Dhoorky letty .....</b>	<b>25</b>
Dhageysigy Habky Haquuq Dhoorky Eehla'aangty .....	25
Haquuqyaalky Dhageysigy .....	27
Go'aangyaalky Dhageysigy.....	28
<b>Rafaangyaalky .....</b>	<b>29</b>
Go'aangky ingy damboosky; Rafaangky; Reed ing fiirisky Eehla'aangty .....	29
Jadwalky ii Futhutheeyowky Dhageysigy ii reed ing fiiriksy .....	30
Tilaabayaalky Mathanigy eyyi, Oo ky jiry Mudathy Wogtigy taaseey oo Liky hareeyi kory Tilaabayaalkaas .....	30
Meeleeyowky Owlaaddy Meely Abashathy ii Dhageysigy Nithaamky Haquuq Dhoorky eh oo la Sugaayi .....	32
Qarashyaalky Abukaatigy .....	33
<b>Nithaamyalky Maddii Ly edbiyaaw Owlaaddy Naafathy eh .....</b>	<b>35</b>
Maamulky ee Shaqaalagy Iskoolky.....	35
Beddelky Meeleeyowky Sababty etty ee Ku bihiyowky edbinty .....	38
Go'aang Dejingty .....	39
Ra'afaang.....	39
Meeleeyowky Inti liky guthy jiry Rafaangky.....	40
Ilaaliyowky oo lingky talgaly Owlaady Oo Wely ining Qalangny Walbarashathy Qaasky eh ii Atheegyaalky la Hariiry .....	40
Ing gudbingty ii Tilaabathy qaathaayaang Shar'iy Fulingty ii Maamulky Garsoorky .	42
<b>Sharuuthoogy Meeleeyowky bes eh ee Waalidiingty Owlaaddy Iskoolky Qaasky eh Iskoolaadky Ee Qarashky Dadwiinagy .....</b>	<b>43</b>
Guud.....	43

## MA'ALUUMAADKY GUUD

### Ogeysiisky Hory oo QORONG

34 CFR §300.503, NH Ed 1120.03

#### Ogeysiisky

Degmathy iskoolkaa walibuwa inii ky siiyaang athy ogeysiis qorong (oo may ky siiyee ma'aluumaad qaas eh oo qoraal eh), 14 bery ku hor maalingtaas jadwalky taariigty:

1. Hajeethiyoytee ing ly bilaaby amy ly bedely aqoongsigy, qiimeeyowky, amy meeleyowky walbarashathy ee onogaa, amy bihingty walbarashathy guud ee ky haboong oo bilaash (FAPE) ee onogaa; **amy**
2. Diithowky ing ly bilaaby amy ly bedely aqoongsigy, qiimeyngty, amy meeleyowky walbarashathy ee onogaa, amy bihingty FAPE ee onogaa.

#### Nuhurky ee ogeysiisky

Ogeyiisky qorong walibuwa inii:

1. Qeehaa tilaabathy iskoolky degmathaa ha jeethiyaw amy diithaaw inii qaathathy;
2. Sharahaad ku bi sababty iskoolky degmathaa hang jeethiyaw amy ing diithaaw inii qaathy tilaaby;
3. Sharahaad ku bi nithaam walby oo qiimeeyn eh, qiimeeyowky, diiwaangky, amy warbihing ku bihy iskoolky degmathaa oo lang istimaaly go'aamingty sy lahang jeethiyo amy lang diitho tilaabathy;
4. Ky dar warbihing inii athy letty ilaaliyow hoos kooyaasy qothobyaalky ilaalingty nithaamky Qibty B ee IDEA;
5. Sheeg sithy athy ing hely kory sharahaady ee ilaalingty nithaamky haddii tilaabathy kaas oo degmathy iskoolkaa ha jeethiyaasy amy diithaasy oo ing ahaayni tihraa hory oo lingky talgaly qiimeeyowky;
6. Ky dar alaabty athy kuly hariiry kory ee aawingty sy ing fahangto Qibty B ee IDEA;
7. Sharahaad ku bi dookhyaalky kaly ee Koohthy Barnaamijky Walbarashathy Qaasky eh ee (IEP) oo tihgeliity Koohthy ii sababoogy ikhtiyaaryaalkaas lang diithy; **ii**
8. Ku bi sharahaad sabyby kaly sababty iskoolky degmathaa hang jeethiyi amy ing diithy tilaabathy.

#### Ogeysiisky luuqaddy la fahamy kory

Ogeysiisky walibuwa inii haathy:

1. Ky qorong luuqad fahamy koraang dadwiinagy guud; **ii**
2. Likoo siiye luuqaddy aathaa amy qaab kaly oo hariiry eh oo athy isti'amaalaasy, ilaa sy ed suurtagal ining ahaayni ing sithaas la suubiyo.

Haddii luuqaddy aathaa amy qaabky kaly ee hariirky ing ahaayni luuqad qorong, degmathy iskoolkaa walibuwa inii hubiyany taasy:

1. Ogeysiisky may likiinky turjumeey af ahaang amy sy kale oo afky aathaa amy qaab kaly oo hariir eh;
2. May fahamaasee nuhurky ee ogeysiisky; ii
3. Maybaa jirtee adeeng qorong ing sharuuthoogy satharky 1 ii 2 oo la buuhiyi.

## **AFKY AAYOOW**

---

### **34 CFR §300.29**

*Afky aayoow*, maddii la istimaaly oo quseeyti shaqsigaas oo ky yaryi aqoongty Ingiriisky, minishee maybuwaa haang ha dareery:

1. Luuqaddy qofkaas sy aathy eh ing ist'aimaalaw, amy, dhinigy ee onogy, luuqaddy sithy aathigy ing isti'imaalaang waaligiingty owlaaddy;
2. Kully hariirky toosky eh ee onogy (oo ky jiry qiimeeyowky onogy), luuqaddy onogy sithy aathigy eh ky isti'imaalaaw gurigy amy meely walbarashathy.

Qofky dhagoolky amy ingdhoolagy eh, amy qofky ing lahaayni luuqad qorong, qaabky linly hariiraaw maybuwaa walaagy qofky sy aathiyang ing isti'imaalaaw (oo ku mid eh luuqaddy dhagoolky, qoraalky indhoolagy, amy la hathalowky afky).

## **BOOSTATHY ELEKTARONIGY ETTY**

---

### **34 CFR §300.505**

Haddii degmathy iskoolkaa siithy waalidiingty aktiyaarky helowky dukumiingtiyaalky ii-meylky, may doorathy kortee sy athy ingku hally haang ha dareery ii-meylky:

1. Ogeysiisky Hory Qorong;
2. Ogeysiisky ilaalingty nithaamky; ii
3. Ogeysiisyaalky la hariiry abashoothy nithaamky haquuq dhoorky letty.

## **SHARHAADY OGOLAANGSHIGY - WAALIDKY**

---

### **34 CFR §300.9**

#### **Ogolaangshigy**

*Ogolaanshigy* mi'inishee maybuwaa:

1. Sy buty ya may likingy sheegeey luuqaddy aathy amy qaab kaly oo hathal eh (oo ku mid eh luuqaddy dhagoolky, qoraalky ingdhoolky, amy hathalky afky) ee maluumaadky kulishee oo ky saabseng tilaabathy ogolaangshagy ku bihiyooyti.



2. May fahangteey oo qoraal ahaang ky ogolaateey tilaabathaas, oo ogolaangshagy may sharahee tilaabathaas ii diiwaanooogy liisyaalky (haddii jirty) taaseey oo la deeyi doony ii qofky lang deeyi doony; **ii**
3. May fahangteey inii ogolaangshagaa usy eyyi mid ikhtiyaar eh qibtaa oo ku nagathy korty ogolaangshagaa wogty walby.

Hadii athy rajeeyooyti inii ku nagato (kangsalo) ogolaangshagaa ku baddy maddii bilaaby onogaa inii hally walbarashathy qaasky eh ii atheegyaalky la hariiryaang, walibuwa sithaas qoraal ahaang ini ky suubiithy. Ku bohowkaa ogolaangshagy ma buriyaasy (ku nagathowky) falkaas oo dhiyi ku baddy madii athy biithy ogolaangshagaa laakiing ky hor ingtii athy ingku nagany usy. Taas may dheertaa, degmathy iskoolkaa may ingku baahang inii wal ku sahthy (bedely) diiwaanooogy walbarashathy onogaa sy ingky biiithy tihraa walby inii onogaa halooyi walbarashathy qaasky eh ii atheegyaalky la hariiraang ku ba'addy madii athy ku nagato ogolaangshagy.

### **Gudbingty Haquuqyaalky**

Sithy waafaqsang Ed 1120.01, 34 CFR 300.320(c), ii 34 CFR 300.520, wareejiyowky haquuqty waalidky may dhiyaasee maddii ardeygi deery de'thy ee 18, ilaa waalidky ardeygi ing sii haaysathaayni mas'uulnimathy iithy oo lang maraaw mahkamaddy.

## **OGOLAANGSHAGY WAALIDKY**

### **34 CFR §300.300, NH Ed 1120.04**

#### **Ogolaangshagy lingky talgaly qiimeeyowky hory**

Degmathy iskoolkaa ma qobathy kory qiimeeyowky hory ee onogaa sy lang go'aamiyo haddii onogaa ing qalamaw sithy hoos kooyaasy Qibty B ee IDEA sy ing haly walbarashathy qaasky eh ii atheegyaalky la hariiryi athy oo maddi hory lingky siyaayni ogeysiis hory oo qoraal eh oo ku mid eh tilaabathy laha jeethiyi ii halowky ogolaangshagaa sithy lahaku sharahy oo hoos kooyaasy ingwaangyaalky **Ogeysiisky Hory oo Qorong ii Ogolaangshagy Waalidky.**

Degmathaa iskoolkaa waa inii suubiidaa dathaal maquul eh sy ing halaang ogolaangshagaa lahaking sheegy oo lingky talgaly qiimeeyowky hory sy lang go'aamiyo haddii onogaa usy eyyi onog naafy eh ii ing kaly.

Ogolaangshagaa ee qiimeeyowky hory minishee ma eh inii athy bihiity sithoo kaly ogolaangshagaa iskoolky degmathy sy ing bilaaby bihiyowky walbarashathy qaasky eh ii atheegyaalky la hariiryi onogaa.

Degmathy iskoolkaa ma istimaaly koraang diidmathaa sy ing ogolaathy hal atheegy amy hool la hariirty qiimeeyowky hory iithy oo liky saleeyaw diidmathaa amy diidmathy onogaa atheeg walby oo koo kaly eh, faa'ithathy, amy hooly, ilaa sharuud kaly oo qibty B ing baahangty sy ing suubiyaang degmathy iskoolky.

Haddii onogaa ky diiwaangalsangyi iskoolky dadwiinagy amy raathiyoooyti inii onogaa ky diiwaangeliiti iskoolky dadwiinagy oony diidy inii biihito ogolaangshy amy ku guuldareysati inii ky jiwaabto odsigy sy ing bihiito ogolaangshagy lingky talgaly qiimeeyowky hory, degmathy iskoolkaa iyaa liku yaaby, laakiing malingku baahangyi, inii rato qiimeeyowky hory ee onogaa athoo istimaalaasy dhahdhahaathiyowky IDEA amy abashoothy nithaamky haquuq dhoorky letty, shirky halingty, ii nithaamky dhageysigy eeh la'aangty eyyi. Degmathy iskoolkaa ma jebii doongty waajibaadky oo eh inii halo, aqoongsaty oo qiimeeyto onogaa haddii ky dareery waayti qiimeynti onogaa haaladung.

Waalidiingty qobaang owlaaddy naafathy eh waa inii haaysathaang 14 bery dirowky ku baddy ogeysiisky hory qorong sy lang sahiihy dukumiingtiyaalky sy lang muujiyo ogolaangshagy, diidmathy ogolaangshagy amy ogolaangshagy qiib ku eh.

### **Ogolaangshagy waalidky oo lingky talgaly atheegyaalky**

Degmathy iskoolkaa waa inii halaang ogolaangshagaa hog ogaalky eh ku hory ingty lang siiny walbarashathy qaasky eh ii atheegyaalky la hariiryi ee onogaa maddii ingky horeyti.

Degmathy iskoolkaa walibuwa inii suubiidaa dathaal maquul eh sy ing helo ogolaangshagaa hog ogaalky eh ku hory ingty lang siiny walbarashathy qaasky eh ii atheegyaalky la hariiry ee onogaa maddii ingky horeyti.

Haddii athy ingky jiwaabny odsigy sy lang bihiyo ogolaangshagaa ee onogaa sy ing halo walbarashathy qaasky eh ii atheegyaalky la hariiryi maddii ing horeyti, amy haddii athy diido inii siito ogolaangshagaang oo kaly amy markaly ku nagato (kangsalo) ogolaangshagaa qoraal ahaang, degmathy iskoolkaa ma istimaaly kory nithaamky ilaalingty (tusaaly ahaang., dhahdhahaadingty abashoothy nithaamky haquuq dhoorky letty, shirky halingty, amy dhageysigy habky haquuq dhoorky eehla'aangty) sy lang halo ogolaangshy amy hukung eyyi walbarashathy qaasky eh ii atheegyaalky la hariiryi (ky taliyaang Koothty IEP-gy ee onogaa) liku yaaby inii ly siiyo onogaa ogolaangshy la'aangtaa.

Haddii athy diido inii athy siithy ogolaangshagaa ee onogaa sy ing halo walbarashathy qaasky eh ii atheegyaalky la hariiryi maddii ing horeyti, amy haddii athy inky jiwaabny sy ing odsaty sy ing siito ogolaangshagaang oo kaly qoraal ahaang amy markaly ku nagato (kangsalo) ogolaangshagaa ii degmathy iskoolkaa mang siiyaayaang onogaa walbarashathy qaasky eh ii atheegyaalky la hariiryi taasy oo ky raadsaty ogolaangshagaa, degmathy iskoolkaa:

1. Ma jibiyaasy sharuudy eh inii la sameeyo walbarashy guud oo ky haboong oo bilaash eh (FAPE) oo haly kory onogaa oo lang siyooyni atheegyaalky ee onogaa; **ii**
2. Maling baahangyi inii la weelathy shir oo eyyi barnaamijky Walbarashathy shaqsigy eh (IEP) amy lang suubiyo IEP-gy onogaa walbarashathy qaasky eh ii atheegyaalky la hariiryi kaaseey oo ogolaangshagaa liky odsathy.

Haddii athy ku nagity (joojithy) ogolaangshagaa qoraal ahaang ee qothob walby ku ba'addy maddii ing horeyti la siiyo walbarashathy qaasky eh ii atheegyaalky la hariiryi, ky dib degmathy iskoolkaa ma sii wethy kory inii siiyo atheegyaalkaang oo kaly, laakiing waa inii lkiy siiyaa ogeysiis hory oo qorong, sithy lahaku sharahy oo ingwaangky hoos kooyaasy **Ogeysiisky Hory oo Qorong**, ku hory ingty lang joojiiny atheegyaalkaas.

### **Reed ing qiimeeyowky ogolaangshagy waalidky**

Degmathy iskoolkaa waa inii halaang ogolaangshagaa hog ogaalky eh ku hory ingty reed lingky qiimeeyni onogaa, ilaa degmathy iskoolkaa muujii kory taasy.

1. May qaadeey tilaabiyaal maquul eh sy ing halo ogolaangshagaa oo lingky talgaly reed ing qiimeeyowky onogaa; **ii**
2. Maha jiwaabny.

Haddii athy diido inii ing ogalaaty reed ing qiimeeyowky onogaa, degmathy iskoolky may liku yaabee, laakiin mal ingku baahang, inii sii wethaang reed ing qiimeeyowky onogaa athy oo istimaalaasy dhahdhahaadingty abashoothy nithaamky haquuq dhoorky eh, halingty shirky, ii dhageysigy nithaamky adaaladdy eehla'aangty eh qaabyaalky liky raathiyaw ing liky buriyo diidmathaa ogolaangshagy ee reed ing qiimeeyowky onogaa. Sithy qiimeeyowky hory, iskoolky degmathaa maky hadguthuby kory waajibbaadshee oo hoos kooyaw Qiibty B amy IDEA haddii diido inii ly sii watho reed ing qiimeeyowky habkaang oo kaly.

Reed ing qiimeeyowky, qaabky, sithy liky sharahy ee Ed 1102.02(n), walibuwa inii ly buuhiyaa 60 bery guthaashee maddii haly ee ogolaangshagy waalidky sy lang qiimeeyo. Ogolaangshathy qorong ee dhiniyaalky, wogtigy haddithang ee 60-ky bery eyyi may liky kordhii koree beriyaal qaas eh, oo ingky bathanaayni 30 bery.

### **Dukumiingty oo ky saabseng dadaalky maquulky eyyi oo liky haly kory ogolaangshagy waalidky**

Iskoolkaa walibuwa inii haaysathaa dadaalky maquulky eh ee sy ing halo ogolaangshagaa qiimeeyowky hory, sy lang siiyo walbarashathy qaasky eh ii atheegyaalky la hariiry maddii ing horeyti, reed ing qiimeeyowky, ii inii ly helo harumoogy waalidiingty ee Gobolky sy lingky suubiyo qiimeeyowky ingky horeeyi. Dukumiingtigy waa inii ky jirang diiwaangky isky deygi degmathy iskoolky meeloogaang, oo kaly:

1. Faahfaahingty diiwaanooogy ee ha weerowky taleefoongky ee la suubiyi amy la isky deyi ii natiijiyaaalky ee weerowkaas; **ii**
2. Koobigy waraaqaddy lahaky diry ii walaagii jiwaab eh oo la haly.

### **Ogolaangshigy Sy qarsoothy eh lang sheegy**

Sithy ky adangty Ed 1120.06, haddii waalidky ky guuldareysathy sy ingky jiwaaby 14 bery gythaashee ky dib dirowky ogeysiisky hory qorong, degmathy waa inii fuliitaa isbedelowky laha jeediyi haddii qaatheeng dadaalyaal maquul eh sy ing halo ogolaangshy qoraal eh oo la sheegy.

Tilaabayaan maquul eh waa inii liky daraa:

- Dukumiingtigy ee ha weerowky taleefoongky waalidky ee la suubiyi amy la isky deyi ii natiijiyaaalky ee weerowkaas; **ii**
- Koobigy waraaqaddy lang diry waalidky ii walaagii jiwaab eh oo la haly. Waraaqathoogy waa inii lahang diraa boostada la kasaaw, risiid ha nagow eh iyaa la odsathy.

### **Sharuuthoogy ogolaangshagy kaly**

Ogolaangshagaa mal ing baahangyi ky hory ingtii iskoolky degmathaa:

1. Reed ingky fiiriyaayaang hogty jirty oo qiib ku eh qiimeyngty onogaa amy reed ing qiimeeyowky; **misyy**
2. Sii onogaa imtihaang amy qiimeyng kaly kaas oo la siiyaw kully owlaaddy ilaa, ky hor imtihaangkaas amy qiimeyngtaas, ogolaangshy iyaa langku baahangyi waalidiingty kully owlaaddy.

Haddii onogaa ky diiwaangalsangyi iskool qaas lang leyyi kharashkaa athy biyaasy amy haddii athy gurigy iskool ky barooyti onogaa, oo ma siiny ogolaangshagaa qiimeeyowky koowaad ee onogaa amy reed ing qiimeeyowky onogaa, amy ky guuldareysaty inii ky jiwaabty sy athy ing odsato inii biithy ogolaangshagaa, iskoolky degmathy may istimaaly korty nithaamky halingty khilaafaadky (tusaaly ahaang., dhahdhaadingty, abashoothy nithaamky haquuq dhoorky letty,shirky halingty, amy dhageysigy habky haquuq dhoorky eehla'aangty) oo mal ing baahangyi inii ly tihgeliitho onogaa inii ing qalamy inii haly atheegyaalky lang simangyi (atheegyaalky diyaar langku weely qaar ku mid eh owlaaddy naafathy eh ee iskoolky gaarky lang leyyi oo ku meeleeeyeng waalidky).

## Udurdaarky Shirky Hubingty Koohty

LEA amy waalidky walibuwa inii ogeysiyaang qiiibty kaly maqnaathowky ly filaaw hubingty koohty ingky yaraang 72 saa'athood ky hor ingtii lang qorsheyni shirky amy maddii ogaathaang maqnaathowky la rajeeyooyi, mid walby oo hory kooyo sithy waafaqsang Ed 1103.01(e).

Waalidky walibuwa inii qoraal ky ogolaathaa maqnaathowky haddii hubing kueyyi hubing langku baahangyi ee Koohty IEP-gy sithy waafaqsang 34 CFR 300.321.

## Heeryaal qaas eh oo lingky talygaly qiimeeyowky koowaad ee qiiboogy ee Gobolky

Haddii onogy meel ku mid eh Gobolky ku roogy oo inly noolaayni waalidiinshey —

Iskoolky degmathy mangky baahangyi ogolaangshy waalidiingty qiimeeyowky hory sy lang go'aamiyo haddii onogy eyyi onog naafy eh hadii:

1. Ingkastoo jiraang dathaalyaal maquul eh oo liky suubiyow sithaas, iskoolky degmathy ma hally korty waalidky onogy;
2. Haquuqoogy waalidky la roojiyi sithy waafaqsang shar'igy Gobolky; **amy**
3. Garsooragy iyaa ing hil saary haquuqty sy lang suubiyo go'aangyaalky walbarashathy shaqsi ing ahaayni waalidky oo qofkaas may bihyeey qiimeeyow hory.

## Waalidiingty Kymeelgaarky Walbarashathy

NH Ed 1115

Haddii onogy naafigy eh ing baahangyi walbarashathy qaasky eh oo waalidky amy mas'uulky lang kasaayni amy lang hally kory ky dib maddii dathaal maquul eh la suubiyo sy lang helo waalidky la sheegy, amy haddii onogy ingky jiry sy shar'iy eh ee qiiibty owlaady, dhalingyarthi, ii qoosky, gudoomiyaagy amy wakiilky iyaa maga'aaby kory waalidky ku meel deerky eh oo mitily doony onogy qaabky go'aang ku deerowky walbarashathy.

## Go'aang Qaathathowky La taageery

lithy oo la rahaaw RSA 186-C:3-c, haddii mas'uulky wiing kuly hathaleeng Koohty IEP-gy ardeygy ii qoosky ardeygy, koohty walibuwa inii ing sheegaang ardeygy ii qoosky ee helowky go'aang qaathathowky la taageery sithy bedelowky mas'uulky. Tang walibuwa inii sy degdeg eh lang suubiya maddii ingky horeeyti mas'uulky lily hathaly. Koohty IEP-gy walibuwa inii suubiyaang alaab oo ky aawiyaang inii la suubiyo heshiisky go'aang qaathathowky la taageery-oo ly fuliyi, Koohty IEP-gy walibuwa inii ing hogaangsamaang go'aangyaalky deery ardeygy iithy oo la rahaaw heshiisky.

## QIIMEYNGTY WALBARASHATHY MATHYHBINNAANG

### 34 CFR §300.502, NH Ed 1107.03

#### Guud

Sithy hoos lahku sharahy, may haq ing letaa inii athy hely qiimeeyowky walbarashathy mathabannaang (IEE) ee onogaa haddii athy haku horjeeddy qiimeeyowky ee onogaa oo haly iskoolky degmathaa.

Haddii athy odsato qiimeeyowky walbarashathy mathybinnaang, iskoolky degmathy waa inii ky siithy athy maluumaadky ky saabseng meely athy ku halaasy qiimeeyowky walbarashathy mathy bannaang ii wal ky saabseng sharuudy degmathy iskoolky oo quseeyti qiimeeyowky walbarashathy mathy bannaang.

#### Qeehowyaalky

*Qiimeeyowky walbarashathy mathybinnaang* mi'inishee maybuwaa qiimeeyng suubiyow imtihaang qaathaagy aqoongty ing leh kaas oo shaqaaly ingku ahaayni iskoolky degmathy oo mas'uul ku eh walbarashathy onogaa.

*Kharashaadky dadwiinagy* mi'inishee maybuwaa iskoolky degmathy midsho biitho kharashaad oo buuhy ee qiimeeyowky amy may haqiiyaasee inii qiimeeyowky sy kaly liking siiyi oo kharash laang eh, iithy oo la rahaaw qothobyaalky ee Qiipty B ee IDEA, kaas oo ing ogolaathaasy Gobol walby inii istimaaly Gobol walby, deegaangky, Federaalky, ii alaab liky taageerow oo qaas eh iyaa liky haly kory Gobolky sy lang buuhiyo sharuuthoogy Qiipty B ee shar'igy.

#### Haquuqy qiimeeyowky ee kharashky dadwiinagy

May haq ing letaa qiimeyngty walbarashathy mathybinnaang ee onogaa oo biyaasy qarashaadky dadwiinagy haddii ingky raasanaayni qiimeyngty ee onogaa oo hally iskoolky degmathaa, ky hiringty sharuuthoogy ha dareery:

1. Haddii athy odsaty qiimeyngty walbarashathy mathybinnaang ee onogaa oo liky biyo qarashaadky dawiinagy, iskoolky degmathaa waa inii, reed ing dhigow lang baahanaayni, midshoo: (a) Qorooy abashoothy nithaamky haquuq dhoorky eh sy ing odsato dhageysathaaw sy ing tusiitho qiimeyngty onogaa inii haboongty; amy (b) Bi qiimeyngty walbarashathy mathybinnaang oo qarashky dadwiinagy eyyi, ilaa degmathy iskoolky ky adeeyaasy dhageysigy qiimeeyowky onogaa athy haly ing buuhiiny sharuudy degmathy iskoolky.
2. Haddii iskoolky degmathaa dhageysi odsatho oo go'aangky ingky dambooyi oo eyyi qiimeeyowky iskoolky degmathaa ee onogaa oo eyyi mid ky haboong, wily may haq ing letaa qiimeyngty walbarashathy mathybinnaang, laakiing me eh kharashaadky dadwiinagy.
3. Haddii athy odsaty qiimeyngty walbarashathy mathybinnaang ee onogaa, degmathy iskoolky may ky weydii koraang sababty athy ing diidy qiimeeyowky onogaa ku haly iskoolky degmathaa. Sikasty haato, degmathy iskoolkaa may liku yaabee inii ing baahanayni sharahaady oo may liku yaabee inii sy maquul eh reed ining dhigny midshoo bihingty qiimeyngty walbarashathy mathy bannaang ee onogaa oo bihiyaasy qarashky dadwiinag amy abashoothy nithaamky haquuq dhoorky sy ing odsaty dhageysigy nithaamky haquuq dhoorky eh sy lang difaa'o qiimeyngty degmathy iskoolky ee onogaa.

May haq ing letaa hal bes oo eyyi qiimeyngty walbarashathy mathybinnaang ee onogaa oo liky biyi kharashaadky dadwiinagy wogty walby iskoolky degmathaa may suubiyeey qiimeeyngty ee onogaa kaaseey oo haku horjeeddy athy.

### **Qiimeeyowky bilaaby waalidky**

Haddii athy haly qiimeeyowky walbarashathy mathybinnaang ee onogaa ee qarashaky dadwiinagy amy ly wathaagty iskoolky degmathy qiimeyngty onogaa taaseey athy ku haly qarashky qaasky eh:

1. Degmathy iskoolkaa waa waa inii tihgeliyaang natiijiyaalky ee qiimeeyowky onogaa, haddii likulomy sharuuddy degmathy iskoolky oo lingky talgaly qiimeeyowky walbarashathy mathybinnaang, go'aang walby oo la sameeyi oo la hariiry siyowky walbarashathy dadwiinagy oo bilaashky eh (FAPE) ee onogaa; ii
2. Athy amy iskoolky degmathaa may liku yaabee inii hang bangdhigaan qiimeeyowky adeeng ahaang oo khuseeyi dhageysigy nithaamky haquuq dhoorky ee onogaa.

### **Odsiyaalky qiimeyngty saraakiilky dhageysigy**

Haddii sarkaalky dhageysigy odsathy qiimeyngty walbarashathy mathybinaang ee onogaa sithy qibty dhageysigy nithaamky haquuq dhoorky eh, qiimagy ee qiimeeyowky waa inii ahaathaa qarashky dadwiinagy.

### **Sharuuddy degmathy iskoolky**

Haddii qiimeeyowky walbarashathy ee mathybinnaang oo eyyi qarashky dadwiinagy, sharuuddy hoos kooyaasy taaseey oo etty qiimeeyowky la haly, oo ky jiry goobty qiimeeyowky ii aqoongty imtihaang qaathaagy, waa inii ahaathaa isky mid sithy sharuuddy oo degmathy iskoolky istimaalaasy maddii bilaawaayaang qiimeyngty (ilaa ingty sharuudoogaas waafaqsangyaang haqy ing letty qiimeeyowky walbarashathy mathybinnaang).

Maddi liku reeby sharuuddy kor lahaku sharahy, degmathy iskoolky maha rugy korty sharuud amy wogtiyaal la hariiry helowky qiimeyngty walbarashathy mathybinnaang ee qarashky bihiyooyti dowladdy.

## QARSATHAWKY MALUUMAADKY

### QEEHOWYAALKY

#### 34 CFR §300.611, NH Ed 1115

- *Burburingty* mi'inishee maybuwaa burburiyowky korky amy ku biyowky aqoongsigy shaqsigy eh ee maluumaadky sithaas dartiye maluumaadky mal aqoongsaty kory shaqsy ahaang.
- *Diiwaangyaalky walbarashathy* mi'inishee maybuwaa noogy diiwaanyaalky liky dabooly sharahaaddy ee “diiwaangyaalky walbarashathy” oo ky jiry 34 CFR Qiibty 99 (heeryaalky fuliyaw Heerky Haquuqty Walbarahsathy Qoosky ii Qaasky eh ee 1974, 20 U.S.C. 1232g (FERPA)).
- *Hay'addy ku qiibqaathathooyti* minishee maybuwaa iskool walby oo degmathy eyyi, hay'addy amy ururky taaseey oo aruuriyaasy, ilaaliyaasy, amy istimaalaasy ma'aluumaadky shaqsi ahaangky liky aqoongsathy kory, amy ma'aluumaadkaas oo luku haly, sithy hiis kooyaasy Qiibty B ee IDEA.

### SHAQSY AHAANG LIKY AQOONGSATHY KORY

#### 34 CFR §300.32

*Shaqsy ahaang liky aqoongsatho kory* mi'inishee maybuwaa maluumaadky ky jiry:

- (a) Maghaaghy onogaa, maghaaghaa ky waalid ahaang, amy maghaaghy hubing kaly oo qoosky ku tirsang;
- (b) Ingwaangky onogaa;
- (c) Aqoongsigy shaqsy ahaangky, sithy lambarky amnigy bulshithy amy lambarky ardeygy; **amy**
- (d) Liisky sifiyaalky qaasky eh amy ma'aluumaadky kaly kaas oo ku weelow mid maquul eh sy lang aqoongsatho onogaa iithy oo sy maquul eh oo lang hubyi.

### OGEYSIISKY WAALIDIINGTY

#### 34 CFR §300.612

Waahty Walbarashathy ee New Hampshire amy hay'athoogy kaly ee gobolky may liku yaabee inii sithoo kaly halaang, ilaalingty, amy istimaalowky qaar ku mid eh diiwaangyaalky iskoolky. Hay'athoogung walibuwa inii rahaang sharuuthoogy sy langku hortagy sirty amy ma'aluumaad walby liky aqoonsathy kory shaqsigy oo ku haayaang owlaaddy (Arag 34 CFR 300.612 walii maluumaad dheeraad eh) oo ky jiry:

1. Sharahaaddy baahaddy gaarsiisangty kaaseey oo ogeysiisky liky bihiyaw luuqaddy aathy ee koohyaalky shal bedelang ee Gobolky;
2. Sharahaad ku saabseng owlaady liky haayi ma'aluumaadky shaqsy ahaang liky aqoonsathy kory oo la ilaaliyi, nooyaalky ma'aluumaadky la raadiyi, qaabyaalky Gobolky fathooyi oo rabty inii ing istimaaly aruuriyowky maluumaadky (oo ky jiraang iloogy maluumaadkaas laha aruuriyi), ii istimaalky maluumaadky lan suubiyi;

3. Ha koobowky heeryaalky ii nithaamoogy oo etty inii hay'athoogy qiihgalaayaang walibuwa inii rahaang walaagii ky saabseng keethiyowky, ing siideeyowky qolathy sidiithaad, haayowky, ii burburingty maluumaadky shaqsy ahaang liky aqoonsathy kory; ii
4. Sharahaaddy oo ky saabseng haquuqoogy kulishee ee waalidiingty ii owlaady oo ky saabseng ma'aluumaadkung, oo ku mid eh haquuqoogy hoos kooyaaw Heerky Haquuqyaalky Walbarahsathy Qoosky ii Qaasky eh (FERPA) ii heeraryaalky dhaqang nadowky oo ky qorong 34 CFR Qiiibty 99.

Ky hory hool walby oo wiing sy lang aqoonsathy, lang helo, amy lang qiimeeyo owlaaddy ing baahangaang walbarashathy qaaky eh ii atheegyaalky la hariiryi (sithoo kaly lang kasaaw “helowky onogy”), ogeysiisky walibuwa inii liky daaba'aa amy liky shaa'iyaa wargeesyaalky amy warbaahingty kaly, amy lamathiyoby, iithy oo wareeg eh oo ky filingty sy liky ogaasiyo waalidky iithy oo lang maraaw hoology Gobolky julishee.

## HALOWKY HAQUUQOOGY

### 34 CFR §300.613, New Hampshire RSA 189:66

Hay'addy haku qiihgalaas walibuwa inii king fasahty athy sy lang baary oo reed langky fiiryo diiwaangyaalky walby oo walbarashathy la hariiraang onogaa kaasee oo laha aruuriyi, la ilaaliyi, amy istimaaly degmathy iskoolkaa oo hoos kooyaasy Qiiibty B ee IDEA. Hay'addy haku qiihgalaasy walibuwa inii adii'ithy odsigaa sy lang baary oo reed langky fiiryo diiwaangyal walby oo walbarashathy ee onogaa iithy oo lang daahiiny reed ing dhiyow lang baahanaayni ii ky hor shir walby oo ky saabseng barnaamijky walbarashathy shaqsiyaadky eh (IEP), amy dhageysigy habky haquuq dhoorky eehla'aangty (oo ky jiraang shirky halingty amy dhageysigy ky saabseng edebty), oo kiisky ingky bathanaayni jadwalky 14 bery ku baddy maddii athy odsato.

Haq iyaa ing letty inii baarty oo reed lang fiiryo diiwaanooogy walbarashathy may ku mid ahaa:

1. Haq iyaa ing letty inii jiwaab ku biitho hay'addy ku qiihgaaathathasy odsiyaalkaa maquulky eh ee sharahaaddy ii turjumaangty ee diiwaanooogy;
2. Haq iyaa ing letty inii ku odsato hay'addy ku qiihgaaathathasy inii ky siito koobiyaal oo eh diiwaanooogy haddii sy feyli wal ining baary korny oo reed inigky fiirii korny diiwaanooogy ilaa athy ku haly koobiyaalkaas; ii
3. Haq iyaa ing letty inii athy weelaty wakiil wal baaraw oo reed ing fiiriyaw diiwaanooogy.

Hay'addy ku qiihgaaathathooyti may ing qaathathy kortee inii awood ing letty sy ing baarty oo reed ingky fiirito diiwaanooogy la hariiry onogaa ilaa likiily taliyo inii awood ining lahaayni maddii lang fiiryo shar'igy Gobolky liky dabaqy kory ee liky hukumy arimoogy ku mid eyaang mas'uulnimathy, shal biyowky, ii furiingky.

## HALOWKY EE DIIWAANGKY

### 34 CFR §300.614

Hay'add walby oo ku qiihgaaathathasy waa inii haytaa diiwaangky ee qiihyaalky haly galowky diiwaanooogy walbarashathy laha aruuriyi, la ilaaliyo, amy la istimaaly sithy hoos kooyaasy Qiiibty B ee IDEA (maddii liku reeby galowky waalidiingty ii shaqaalagy lang fasaahy ee hay'addy ku qiihgaaathathooyti), oo ky jiraang qiiibty ee maghaaghy, taariigty galowky la bihiyi, ii ujeedky qiiibty lang ogolaathy inii istimaaly diiwaanooogy.



## **DIIWAANOOGY ING KU BA THANG HAL ONOGY**

---

### **34 CFR §300.615**

Haddii diiwaang walby ee walbarashy eh oo ky jiry maluumaad oo ku bathang hal onogy, waalidiingty ee owlaadaas may haq ing leyaang inii baaraang oo reed ing fiiriyaang maluumaadky bes oo la hariiry onogshoo amy lang sheegy maluumaadkaas oo qaasky eh.

## **NOOYAALKY LIISKY II GOOBYAALKY EE MALUUMAADKY**

---

### **34 CFR §300.616**

Odsigy hay'add walby oo ku qiibqaathathaasy waa inii ky siitaa nooyaalky liisky ii goobyalky ee diiwaanoogy walbarashathy laha aruuriyi, la ilaaliyi, amy istimaaly hay'addy.

## **QARASHKY**

---

### **34 CFR §300.617**

Wakaalad walby oo ku qiibqaathathaasy may liku yaabee inii ky hukungty beesy koobiyaalky diiwaanoogy kaaseey oo athy likiing suubiyi sithy hoos kooyaasy Qiipty B ee IDEA, haddii qarashky oo sy feyli kingky hor istaagny athy inii istimaaly haqy athy ing letty inii baarto oo reed ing fiiriito diiwaanoogaas.

Wakaaladdy ku qiibqaathathaasy may liku yaabee inii wal qarash eh kingku qaadny sy ing raadiito amy hang saarty ma'aluumaadky sithy hoos kooyaasy Qiipty B ee IDEA.

## **WAL KU BEDELKY DIIWAANOOGY EE ODSIGY'S WAALIDIINGTY**

---

### **34 CFR §300.618**

Haddii athy aamingsanty maluumaadkaas oo ky jiry diiwaanoogy walbarashathy oo ky saabseng onogaa oo laha aruuriyi, la ilaaliyi, amy istimaaly sithy hoos kooyaasy Qiipty B ee IDEA maybuwaa qalad, maring habaabing, amy ky hadguthubaasee sirty amy haquuqyaalky kaly ee onogaa, may odsathy kortee wakaaladdy ku qiibqaathathaasy taaseey oo ilaaliyaasy maluumaadky sy lang bedely maluumaadky.

Wakaaladdy ku qiibqaathaasy waa inii go'aangsataa hadd bedelaasy ii haddii kaly ma'aluumaadky sithy waafaqsang odsigaa wogty maquul eh ee guthaashee maddii ly helo odsigaa.

Haddii wakaaladdy ku qiibqaathathaasy diido inii bedely ma'aluumaadky sithy waafaqsang odsigaa, waa inii likiing sheegaa athy ee diidmathy oo likiily taliyo haqy athy ing letty dhageysigy sithy liky sheegy ingwaangky ***Fursaddy Oo lingky talgaly Dhageysigy.***

## FUSADDY LINGKY TALGALY DHAGEYSIGY

### 34 CFR §300.619

Wakaaladdy ku qibqaathaasy waa inii, haddii la odsathy, inii ky siito fursaddy dhageysigy sy ingky doody ma'aluumaadky oo ky jiry diiwaanooqy walbarashathy oo khuseeyi onogaa sy lang haqiiyiyo inii sah ing ahaayni, maring habaabing ing ahaayni, amy haddii kaly may ku hadguthubaasee sirty amy haquuqyaalky kaly ee onogaa.

## NITHAAMYAALKY DHAGEYSIGY

### 34 CFR §300.621

Dhageysigy sy ingky doody ma'aluumaadky oo ky jiry diiwaanooqy walbarashathy waa inii la suubiyaa hadby nithaamyalky sithy usy eyyi dhageysigaang oo kaly sithy hoos kooyaasy Haquuqyaalky Walbarahsathy Qoosky ii Shar'igy qaasky eh (FERPA).

## NATIIJITHY EE DHAGEYSIGY

### 34 CFR §300.620

Haddii, sithy dhageysigy ee natiijithy, wakaaladdy ku qibqaathathaasy oo go'aamiyaasy ing ma'aluumaadkaas oo sah ing ahaayni, maring habaabing eyyi amy haddii kaly oo ky jiry hadguthub ee sirty amy haquuqyaalky kaly ee onogaa, waa inii la bedelaa ma'aluumaadky qaabky usy eyyi oo qoraal lahakingky shegaa athy.

Haddii, sithy dhageysigy ee natiijithy, wakaaladdy ku qibqaathathaasy oo go'aamiyaasy ing ma'aluumaadkaas oo sah ing ahaayni, maring habaabing eyyi amy haddii kaly oo ky jiry hadguthub ee sirty amy haquuqyaalky kaly ee onogaa, waa inii lahaking sheegaa athy ee haquuqtaa athy ku letty inii hagaajiito diiwaanooqy oo haayti ee onogaa bayaang ky faaloothooyo ma'aluumaadky amy bihingty sabab walby athy ku kilaafsangty go'aangky wakaaladdy ku qibqaathathooyti.

Sharahaadaang oo kaly iyaa ligeliyee diiwaanooqy ee onogaa waa inii:

1. La ilaaliyaa wakaaladdy ku qibqaathathooyti sithy qiib ku eh diiwaanooqy onogaa ilaa ii ingty diiwaangky amy qiibty liky murasangyi oo haayti wakaaladdy ku qibqaathathooyti; ii
2. Haddii wakaaladdy ku qibqaathathooyti shaa'iitho diiwaanooqy ee onogaa amy ma'aluumaadky liisky haaysathy dhiny walby, sharahaaddy waa inii sithoo kaly lang bangdhigaa qiibtaas.

## OGOLAANSHIGY LINGKY TAL GALYHA BANGDHIGOWKY MA'LUUMAADKY SHAQSIGY LIKY AQOONGSATHY KORY

### 34 CFR §300.622

Ilaa ma'aluumaadky ky jiry diiwaanooqy walbarashathy, ii ha bangdhigowky la fasahy ogolaangshigy waalidky la'aangtiyo sithy hoos kooyaasy Haquuqyaalky Walbarahsathy Qoosky ii Shar'igy Qaasky (FERPA), ogolaathowkaa waa inii la halaa ky hor ma'aluumaadky shaqsigy la aqoongsathy kory lang bangdhigy dhiniyaal kaly oo ing

ahaayni mas'uuliyaalky wakaaladdy ku qiiqbqaathathooyti. Maddii liku reeby haaladdy hoos liky sheegy, ogolaanshagaa maling baahangyi ky hor ingty ma'aluumaadky shaqsigy liky aqoonsathy kory langky siideyni saraakiilo ee wakaalady ku qiiqbqaathathooyti ujeediyaalky buuhiyowky sharuudy ee Qiipty B ee IDEA.

Ogolaathowkaa, amy ogolaathowky ing qalamow onogy kaas oo deery de'thy qaanggaarky sithy dhigaaw shar'igy Gobolky, waa inii la halaa ky hor ma'aluumaadky shaqsigy liky aqoongsathy kory lingky siideyni saraakiilo ee wakaalady ku qiiqbqaathathooyti bihiyooyi amy bihingy atheegyaalky shal gurky.

Haddii onogaa ky jiry, amy raby inii usy ing baho, iskoolky qaasky lang leyyi kaas oo ingky yaalayni isly iskoolky degmathy athy degengty, ogolaathawkaa waa inii la halaa ky hor ingty wal ma'aluumaad eh oo shaqsigy liky aqoonsathy kory oo ky saabseng onogaa lang siidaayee ingty ing dhaheeyti saraakiilo degmathy iskoolky roogaang meelaas oo ky yaaly iskoolky gaarky lang leyyi ii saraakiilo roogaang degmathy iskoolky meely athy degengty.

## **ILAALINGTY**

### **34 CFR §300.623**

Wakaalad walby oo ku qiiqbqaathathooyti waa inii ky hortagtaa sirty ma'aluumaadky ee shaqsigy liky aqoongsathy kory ee aruuriyowky, keedingty, bangdhigowky, ii marhathaloogy burburiyowky.

Hal sarkaal wakaalad walby oo ku qiiqbqaathathaasy waa inii qaathathaa mas'uuliyaddy hubiyowky sirty ee ma'aluumaad walby oo shaqsigy liky aqoongsathy kory.

Kully dadky aruuriyaw amy isti'imaalaw ma'aluumaadky shaqsigy liky aqoongsathy kory waa inii halaa towbar amy tilmaamy oo khuseeyi heeryaalky Gobolkaa ii nithaamyalky quseeyi sirty sithy hoos kooyaasy Qiipty B ee IDEA ii Haquuqyaalky Walbarahsathy Qoosky ii Shar'igy Qaasky eh (FERPA).

Wakaalad walby oo ku qiiqbqaathathooyti waa inii haaytaa, kormeer guud, liisky haddi dareery ee maghayaalky ii jagayaalky ee shaqaalayaalkaas wakaalady dhatiye kaas oo galy kory ma'aluumaadky shaqsigy liky aqoongsathy kory.

## **BURBURIYOWKY EE MA'ALUUMAADKY**

### **34 CFR §300.624, NH 1109.01**

Degmathy iskoolkaa waa inii kiing sheegaang maddii ma'aluumaadky shaqsigy liky aqoongsathy kory laha aruuriyi, la ilaaliyi, amy la istimaaly sithy hoos kooyaasy Qiipty B ee IDEA oo lang baahanaayni inii ly siiyo atheegyaalky walbarashathy ee onogaa.

Maluumaadky waa inii liky burburiyaa odsigaa. Sikasty ha ahaatoo, diiwaangky joogtathy eyyi maghaaghy onogaa, ingwaangky, ii taleefoong nambarky, darajooyingshe amy darajethiye, diiwaangky kooyowky, fasaloogy ha haathiry, heerky derejathy bogy, ii sinidky dhimaayi maybaa liku yaabee inii lahaayo wogty ing hadithinaany.

LEA ma burburii korty diiwaanooogy walbarashathy qaasky ee ardeygy ky hor ingty ing deerny 26<sup>1</sup> jir ogolaangshy la'aang.

## QAABYAALKY ABASHOOTHY GOBOLKY

### SHAL BEDELNAANGTY ING DHAHEEYT QAABYAALKY DAWATHOOGY II DHAGEYSIGY NITHAAMKY ADAALADDY II ABASHATHY GOBOLKY

Qeynuungyaalky lingky talgaly Qiipty B ee IDEA iyaa ing dejiyi qaabyaal gooni eh oo lingky talgaly abashayaalky Gobolky ii dawathoogy nithaamky haquuq dhoorky letty ii dhageysigy. Sithy hoos lahaku sharahy, shaqsy amy hay'addy walby may liku yaabee inii hareeyo abashathy Gobolky oo ky eetheeyaw ky hadguthubky sharuud ee Qiipty B degmathy iskoolky, Wakaaladdy Walbarashathy Gobolky, amy wakaalad walby kaly ee dadwiinagy eh.

Athy bes amy degmathy iskoolkaa may liku yaabee inii hareeyi abashathy nithaamky haquuq dhoorky eh arring walby la hariirty ha jeething amy diidmy sy lang bilaaby amy lang bedely aqoonsigy, qiimeyngty, amy meeleeowky walbarashathy ee onogy naafathy eyyi, amy siyowky walbarashathy dadwiinagy oo bilaashky eh (FAPE) ee onogy.

lithy oo etty shaqaalagy Wakaaladdy ee Walbarashathy Gobolky guud ahaang oo ky haliito abashathy Gobolky jadwalky oo etty muddy 60-bery guthaashee, ilaa wogtigy sy feyli lang dheereeyo, sarkaalky dhageysigy ee hla'aangty waa inii dhegaa abashathy nithaamky haquuq dhoorky etty (haddii lang haliiny iithy oo lang maraaw shirky halingty amy lang maraaw dhahdhahaading) oo la gooyo go'aang qoraal eh jadwalky 45 bery guthaashee ku dib maddii dhimaato mudithy halingty, sithy lahaku sharahy dukumiingtigung sithy ingwaangky hoostiis **Nithaamky Halingty**, ilaa sarkaalky dhageysigy ogolaathy kordhiyow qaas eh oo ky saabseng wogtigy odsigaa amy odsigy degmathy iskoolky. Abashathy Gobolky ii abashathy nithaamky adaalady eh, halingty ii nithaamyalky dhageysigy iyaa sy buuty hoos lingku sharahy.

Wakaaladdy Walbarashathy Gobolky waa inii hasaartaa foomyaal qaab feyli ing suubsangyaang sy kingky aawiyaang inii haraysathowky abashathy nithaamky adalaaddy oo ky aawiyaang athy amy dhiniyaalky kaly sy lang hareeyo abashathy Gobolky sithy ingwaangky hoos lahaku sharahy **Foomyaalky Qaabky feyli**.

### NITHAAMYAALKY ABASHATHY GOBOLKY

#### 34 CFR §300.151, NH Ed 1121

##### Guud

New Hampshire waa inii lahataa qaabyaal qorong oo lingky talgaly:

1. Ing liky haliyo abashy walby, oo ky jiraang abashathy oo hareeyti hay'addy amy shaqsigy ky kooyi Gobol kaly;
2. Buuhiyowky abashathy oo ly jirty Wakaaladdy Walbarashathy Gobolky;
3. Sy bilaarang lang faafiyo nithaamyalky abashathy ee Gobolky waalidiingty ii shaqsiyaalky kaly oo daneeyaw, oo ky jiraang towbarowky waalidky ii harumoogy ma'aluumaadky, Wakaalathoogy ky hortagy ii ing doothowky, harumoogy ee nololy mathybinnaang, ii hay'athoogy kaly oo ky haboong.

## Wal ku qobothowky haddii li diitho atheegyaalky sahthy eh

Halingty abashathy Gobolky oo Wakaaladdy Walbarashathy Gobolky ky hally inii ky guul dareysati inii biitho atheegyaalky ky haboong, Wakaaladdy Walbarashathy Gobolky waa inii wal ku qabato:

1. Ky guuldareysigy biyowky atheegyaal ky haboong, oo ky jiraang tilaabathy sahthy eh oo ky haboong sy wal lingku qabathy baahayaalky onogyncluding (sithy atheegyaalky magdhowky amy beesy nagowky); ii
2. Biyowky mustaqbalky ee atheegyaalky ky haboong kuly owlaady naafathy eh.

## HABYAALKY INGKY YAR EE ABASHATHY GOBOLKY

### 34 CFR §300.152

#### Wogtigy hadithang; nithaamyalky ingky yar

Wakaalad walby ee Walbarashathy Gobolky walibuwa inii ky jirty Gobolshe nithaamyalky abashathy wogtigy hadithang ee jadwalky 60-ky bery ku baddy maddii la hareeyi abashathy:

1. Inii la sameeyo baaritaang mathybinnaang oo etty goobty, haddii Wakaaladdy walbarashathy Gobolky go'aamiitho inii baaritaangkaas lamy huraang eyyi;
2. Sii abatheegy fursad sy hangky gudbiyo ma'aluumaadky dheeraadky eh, midsho af ahaang amy qoraal ahaang, oo ky saabseng eedyaalky ky jiry abashathy;
3. Sii degmathy iskoolky amy wakaalady kaly ee dadwiinagy fursad hangku jiwaabaang abashathy, oo ky jirty, ingky yaraang: (a) iktiyaarky ee wakaalady, ha jeething sy lang haliyo abashathy; ii (b) fursady waalidky hareeysathy abashathy ii wakaaladdy sy ingky heshiyaang oo iktiyaar eh ing galaang dhahdhahaathingty;
4. Reed ing fiiry kuly ma'aluumaadky la hariiry oo sameey go'aang mathy bannaang haddii degmathy iskoolky amy wakaalady kaly ee dadwiinagy oo ky hadguthubooyti sharuudy Qiipty B ee IDEA; ii
5. Hang saar go'aang qoraal eh qofky abathooyo taas oo ky hathalaasy eed walby oo ky jirty abashathy oo ky koobangty: (a) natiijyaalky haqiiqthy etty ii gunaanidky; ii (b) sababoogy Wakaaladdy Walbarashathy Gobolky go'aangshee ing dambooyi.

#### Kordhiyowky Wogtigy; go'aangky ing dambooyi; hirgelingty

Nithaamyalky Wakaaladdy Walbarashathy ee Gobolky kor lahaku sharahy waa inii sithoo kaly:

1. Ing ogolaaty kordhiyowky ee jadwalky 60-ky bery wogtigy hadithang bes haddii: (a) Daruufyaal qaas eh iyaa jirty maddii lang fiiriyo abashathy Gobolky oo gaarky eh; or (b) athy ii degmathy iskoolky wakaalady dadwiinagy kaly oo quseeyti sy iktiyaar eh walaagii ky heshiiteen inii kordhiitaang wogtigy liky haliyaw dhibky dhahdhahaadingty amy qaab kaly oo liky haliyaw kilaafky, haddii liky hely kory Gobolky.

2. Ky dar habyaalky hirgelingty wal liku qobathy kory go'aangky ingy dambooyi ee Wakaaladdy Walbarashathy Gobolky, haddii lang baahangyi, oo ky jiry: (a) hooly kaalmathy farsamathy; (b) wathy haajoodky; **ii** (c) tilaabyaal sah eh sy lang deero hogaangsanaag.

### **Abashayaalky Gobolky ii dhageysigy nithaamky adaaladdy**

Haddii ly hely abashy qorong taas oo sithoo kaly etty mawthuugy ee dhageysigy nithaamky adaaladdy sithy laha sharahy ingwaangky hoosy **Hareeyowky Abashathy Nithaamky Adaaladdy letty**, amy abashathy Gobolky oo ky jiry aringyaal bathang kuwaas hal may wal ku bathang oo qiib ku eh dhageysigaang, Gobolky walibuwa inii dhiny isku dhigo qiib walby oo ku mid eh abashathy Gobolky oo lahaku hathal qaathy dhageysigy nithaamky haquuq dhoorky leyyi ilaa dhageysigy ku dhamaathaw. Aring walby oo ku mid eh abashathy Gobolky kaaseey oo qiib ingy haayni dhageysigy nithaamky haquuq dhoorky leyyi waa inii liky haliyaa athoo istimaalaasy wogty hadithang ii nithaamyalky kor lahaku sharahy.

Haddii aring haku baty abashathy Gobolky oo mar hory la go'aamiyi dhageysigy nithaamky adaalady eh oo ku lug leyyi isly dhiniyaalky (tusaaly ahaang, athy ii degmathy iskoolky), marky go'aangky dhageysigy nithaamky adaalady eh maybuwaa mid waajib ku eh aringtaas oo Wakaalady Walbarashathy Gobolky waa inii ing sheegtaa abatheegy ing go'aankaas eyyi mid waajib eh.

Abashathy ky anda'oothooyti degmiyaalky iskoolky amy wakaalady kaly dadwiinagy ky guuldareysity sy ing hirgeliito dhageysigy nithaamky haquuq dhoorky eh go'aangky waa inii la haliitaa Wakaaladdy Walbarashathy ee Gobolky.

## **HAREYSATHOWKY ABASHATHY GOBOLKY**

### **34 CFR §300.153**

Hay'addy amy shaqsigy iyaa may liku yaabee inii hareeyo abashy qorong oo sahihang ee Gobolky oo hoos kooyaasy nithaamyalky kor lahaku sharahy.

Abashathy Gobolky walibuwa inii ky jirty:

1. Bayaang sheegaw ing degmathy iskoolky amy wakaalad kaly ee dadwiinagy ky hadguthuby sharuudy ee Qiibty B ee IDEA amy hirgelingty heeryaalky ee 34 CFR Qiibty 300;
2. Haqiiqoogy oo hathalky ky saleysangyi;
3. Sahiihgy ii ma'aluumaadky likuly hariiaw kory kooththy buuyoooyti abashathy; ii
4. Haddii liky eetheeyo hadguthubyaalky oo ky saabseng onog qaas eh:
  - (a) Maghaaghy onogy ii ingwaangky meely degengyi ee onogy;
  - (b) Maghaaghy iskoolky oo onogy dhigithooyi;
  - (c) Haddii onog mining la'aang eyyi amy dhalingyaraagy, ma'aluumaadky likula hariiry kory onogy, ii maghaaghy iskoolky oo onogy dhigithooyi;
  - (d) Sharahaad ky saabseng noogy dhibaatathy ee onogy, oo ky jiraang haqiiqyaalky la hariiry dhibaatathy; **ii**
  - (e) Ha jeethingty haliyowky ee dhibaatathy ingy la ogyi oo hely koraang kooththy abashathy ha gudbiyooyti wogtigy abashathy la hareeyaaw.

Abashathy walibuwa inii adeyty hadguthubky dhiyi wal ku bathanaayni hal siny ky hor taariigty abashathy la haly sithy liku sharahy ingwaangky hoos **Qaathathowky Nithaamyalky Abashathy ee Gobolky.**

Abashayaalky may lang diree: Guddoomiyaagy Walbarashathy  
 Waahthy Walbarashathy ee New Hampshire  
 25 Hall Street  
 Concord, NH 03301

Koothy buuhiyaasy abashathy Gobolky walibuwa inii hang gudbiithy koobigy abashathy degmathy iskoolky amy wakaalady kaly ee dadwiinagy ing atheegaasy onogy isly wogtigaas koothy may hareeyaasee abashathy oo ing gudbiyaasy Wakaaladdy Walbarashathy Gobolky.

### **Reed ing tihgeliyowky Odsigy**

Dhiny walby oo quseeyti abashathy may liku yaabee, 20 bery guthaashee liky bilaaby maddii ly hely go'aangky qoraalky eh ee guddoomiyaagy, ody qoraal eh suubiyo oo ing diro guddoomiyaagy sy reed lingky fiiriyo go'aangky. Tilaaby walby oo sihitaang eh oo amaro guddoomiyaagy ee dangty onogy naafathy eh waa inii fuliyaang oo sii wethaang ilaa liky dhimaayo reed ing fiirisky ii, haddii lingky nagany reed ing fiirisky amy roogy, ingty liky guthy jiry rafaang walby.

## **FOMYAALKY FEYLI**

### **34 CFR §300.509**

Waahthy Walbarashathy ee New Hampshire may hasaartey foomyaal feyli sy kingky aawiyaang inii hareysato abashathy nithaamky haquuq dhoorky letty ii inii koo aawiito athy ii dhiniyaalky kaly sy ing hareyto abashathy Gobolky. Sikasty haaby haato, Gobolkaa amy degmathy iskoolky may liky yaabee inii ining baahany istimaalky foomyaalkung meethelky eh. Rungtii, istimaaly korty foomky moothelky eh amy foom kaly oo ky haboong, maadaamaa ky jiry ma'aluumaadky lang baahangyi sy lingky hareeyi abashathy nithaamky haquuq dhoorky eh amy abashathy Gobolky. Foomyaalky moothelky may liku haly koree [www.education.nh.gov](http://www.education.nh.gov) amy athoo ha waasy 603-271-3196 (Abashayaalky Gobolky) amy 603-271-2299 (Nithaamky Aadalady leyyi ii Halingty Khilaafaadky ee Bedelky).

## NITHAAMYAALKY LIKY HAREEYAW ABASHATHY

### HAREEYOWKY A BASHATHY NITHAAMKY ADAALADY

#### 34 CFR §300.507, NH Ed 1123

##### Guud

Athy amy degmathy iskoolkaa may liku yaabee inii hareeyti abashathy nithaamky haquuq dhoorky eh arring walby la hariirty ha jeethingty amy diidmy sy lang bilaaby amy lang bedely aqoongsigy, qiimeyngty, amy meeleeeyowky walbarashathy ee onogy, amy siyowky walbarashathy dadwiinagy oo bilaashky eh (FAPE) ee onogaa.

Abashathy nithaamky adaalady eh walibuwa inii adeytaa hadguthubky oo dhiyi wal ingku bathanaayni lamy siny ky hor athy amy degmathy iskoolky ogaayti amy ahaayti inii ogaaty falky liky eetheeyi taas sal ing eh abashathy nithaamky adaaladdy eh.

Wogtigy kor ky husang maky quseeyi athy haddii athy ing hareeye korny abashathy nithaamky haquuq dhoorky leyyi isla wogtigy guthaashee sababtoo eh:

1. Degmathy iskoolky qaas ahaang may beeniyeen inii xaliyeen aringty liky sheegy abashathy; **amy**
2. Degmathy iskoolky iyaa koo reebatheeng ma'aluumaadky kaas oo lang baahanaayi inii athy liky siiyo sithy hoos kooyaasy Qibty B ee IDEA.

##### Maluumaadky waalidiingty

Degmathy iskoolky waa inii kiing sheegaang athy walkasty oo bilaash eh amy shar'iy ahaang qiimy jabang ii atheegyalky kaly la hariiryi oo liky haly kory goobty dhatiyi haddii athy odsaty ma'aluumaadky, **amy** haddii athy amy degmathy iskoolky hareeyo abashthy nithaamky adaaladdy.

### ABASHATHY KY SAABSENGNITHAAMKY ADAALADY

#### 34 CFR §300.508

##### Guud

Sy ing odsaty dhageysi, athy amy degmathy iskoolky (amy abukaatagaa amy abukaatagy degmathy iskoolky) walibuwa inii hang gudbiyy abashathy oo ky saabseng nithaamky adaalady koothty kaly. Abashathy walibuwa inii ky jirty kully walaagy hoos ky qorong oo waa inii sy sir ahaang eh lang hafithaa.

Qof walby oo hareeyaw abashashy walibuwa inii sithaas oo kaly bi Wakaaladdy Walbarashathy ee Gobolky oo ly jirty kooby abashathy eh.



## Nuhurky ee abashathy

Abashathy ky saabseng nithaamky adaalady walibuwa ky jirtaa:

1. Maghaaghy ee onogy;
2. Ingwaangky ee onogy meely degengyi;
3. Maghaaghy iskoolky onogy;
4. Haddii onogy eyyi gury la'aang amy dhalingyaraagy, ma'aluumaadky onogy likuly hariiry kory ii maghaaghy iskoolky ee onogy dhigithooyi;
5. Sharahaad ky saabseng noogy dhibaatathy ee onogy la hariiryi tilaabathy laha jeethiyi amy la diithy, oo ky jiry haqiqoogy la hariiryi dhibaatathy; **ii**
6. Halky laha jeethiyi ee dhibky ilaa ingty baahidis la ogyi oo hely koraang koohthy abashathy (athy amy degmathy iskoolky) ee wogtigy.

## Ogeysiis iyaa lang baahangyi ky hor dhageysigy oo abashathy ky saabseng nithaamky adaalady

Athy amy degmathy iskoolky may liku yaabee inii ing lahaayni dhageysigy ky saabseng nithaamky adaalady ilaa athy amy degmathy iskoolky (amy abukaatigaa amy abukaatigy degmathy iskoolky) hareeyo abashathy ky saabseng nithaamky adaalady taaseey oo ky jirty maluumaadky kor ky qorong.

## Ky filnaathowky abashathy

Sy oo abashathy nithaamky adaaladdy hory ingky dareerto, walibuwa inii lang aragy mid ky filingyi. Abashathy ky saabseng nithaamky adaalady may ling tihgellii doonee mid ky filingyi (inii buuyty sharuuthoogy koobang oo kor ky qorong) ilaa maahinee koohthy halooyti abashathy nithaamky adaalady (athy amy degmathy iskoolky) ogeysiyaa sarkaalky dhageysigy ii koohthy kaly qoraal ahaang, jadwalky 15 bery guthaashee maddii athy helo abashathy, ing koohthy halooyti aaminsangyaang ing abashathy nithaamky adaalady ing buuhiiny sharuuthoogy kor ky qorong.

Shang bery guthaashee maddii la haly ogeysiisky eh ing koohthy halooyti (athy amy degmathy iskoolky) ing tihgeliyaang ing inky filinaayni abashathy nithaamky adaalady letty, sarkaalky dhageysigy walibuwa inii go'aangsathy haddii abashathy nithaamky adaalady likulumooyti sharuuthoogy kor lahaku qory, oo qoraal ahaang ky ogeysii athy degmathy iskoolky islamarkiiby.

## Wal ku bedelowky abashathy

Athy amy degmathy iskoolky may liku yaabee inii suubiyaang inii wal ku bedelaang abashathy bes haddii:

1. Koohthy kaly iyaa angsihiyaasy isbedelky qoraal ahaang oo may ly siiyee fursad liky haliyo abashathy nithaamky adaalady iithy oo lang maraaw shirky halingty, lahaku sharahy ingwaangky hoos **Nithaamky Halingty; amy**
2. Ingky dambeyng shang bery ky hor dhageysigy nithaamky adaalady ing bilaawany, sarkaalky dhageysigy ogolaanshy siiyee isbedelky.

Haddii koohthy abathooyti (athy amy degmathy iskoolky) oo wal ku bedelaang abashathy nithaamky adaalady, wogtiyaalky shirky adaalady (15 bery guthaashee maddii ly helo abashathy) ii wogtigy mudithy halingty (30 bery guthaashee maddii ly helo abashathy) may bilaawathaasee markaly taariigty abashathy wal liky bedely oo la hareeyi.

### **Wakaalady walbarashathy deegaangky (LEA) amy degmathy iskoolky jiwaabty abashathy nithaamky adaalady**

Haddii degmathy iskoolky hakiing dirny ogeysiis hory oo qorong, sithy lahaku sharahy ingwaangky hoosg **Ogeysiisky Hory oo Qorong**, oo ky saabseng mawthuugy ky jiry abashathaa nithaamky adaalady eh, degmathy iskoolky waa inii, 10 bery guthaashee maddii la helo abashathy nithaamky adaalady, oo hakingky direen jiwaab ku mid eh:

1. Sharahaady sababty degmathy iskoolky hang jeethiyi amy ing diithy inii la qaathy tilaabathy ha baty abashathy nithaamky adaalady;
2. Sharahaad iktiyaaryaalky kaly Koothty Barnaamijky Walbarashathy Qaasky eh ee onogaa (IEP) may ing tihgeliiteey Koothty ii sababoogy iktiyaaryaalkaas lang diithy;
3. Sharahaady nithaamky qiimeyng walby, qiimeeyowky, diiwaangky, amy warbihingty degmathy iskoolky la istimaaly sithy sal ahaangty laha jeediyi amy la diithy; ii
4. Sharahaady ee haquuqiyaalky kaly kaaseey oo ly hariiry degmathy iskoolky tilaabathy ha jeethiyeeng amy la diithy.

Bihiyowky ma'aluumaadky ky jirty alaaby 1-4 ee kor miky hor istaagaasy degmathy iskoolky inii adeeyto abashathaa nithaamky adaalady miky filinaayni.

### **Jiwaabty koothty kaly ee abashathy nithaamky adaalady**

Maddii liky reeby sithy lahaku sheegy ingwaanky hoosy isly markiiby kor ky husangyi, **Wakaalady walbarashathy deegaangky (LEA) amy jiwaabty degmathy iskoolky ee abashathy nithaamky adaalady**, koothty halooyti abashathy nithaamky adaalady waa inii, 10 bery guthaashee ee halowky abashathy, ing dir koothty kaly jiwaab taaseey oo sy qaas eh ingku hathalaasy arimoogy ky jirty abashathy.

### **Odsigy Goony eh linkytagaly Dhageysigy Nithaamky Adaalady letty**

Ma jiry wal ku mid eh qiipty ilaalingty nithaamky ee heeryaalky federaalky hoos kooyaw Qiipty B ee IDEA 2004 (34 CFR §300.500 ilaa 300.536) may lang turjumy koree ing likoo hor istaago inii hareysato abashathy nithaamky adaalady eh sy goony oo ky saabseng aringty goonithy eh ee abashathy nithaamky adaalady oo hory lang hareeyi.

## **DHAHDHAHAADINGTY**

### **34 CFR §300.506**

#### **Guud**

Degmathy iskoolky may hasaary koree nithaamyaal kaas oo ky dhigaaw halingty mid la haly kory sy kingky ogolaaty athy ii degmathy iskoolky sy ing haliyaang kilaafaadky oo ku lug leyi dhiby walby oo hoos kooyaw Qiipty B ee IDEA, oo ky jiry dhibyaalky ha bahaw ky hory hareeyowky ee abashathy nithaamky adaalady. Sithaas dartiye, heliyow iyaa diyaar eh ing liky haliyo kilaafaadky hoos kooyaw Qiipty B ee IDEA, haddii amy ing hareysani abashathy nithaamky adaalady sy ing odsaty dhageysigy nithaamky adaalady sithy lahaku sharahy ingwaangky hoos **Hareeyowky Nithaamky Adaalady eh**.

## Sharuuthoogy

Nithaamyaalky walibuwa inii haqiijiyaang qaabky heliyowky:

1. Maybuwaa iktiyaar ee qiiptaa ii qiipty degmathy iskoolky;
2. Mal ing isti'imaalny ing liky diithy amy likoo daahiyo haqy ing letty dhageysigy nithaamky adaalady, amy ing liking diithy wal haquuq kaly oo ly bihiyaw Qiibt B ee IDEA; **ii**
3. Ay qabatheey dhahdhaathiye aqoong ing leh oo ing eehdaayni kaaseey oo lang towbari farsamayaalky dhahdhahaadingty waltarky letty.

Degmathy iskoolky may liku yaabee inii hasaary nithaamyaalky kaasy oo ly siiyaw waalidiingty ii iskoolky doorathaang inii ing isti'imaalny nithaamky dhahdhahaathingty, fursad kily kulungty, wogtigy ii meely kingky haboongty, koothty ing daneeyaayni:

1. Kaas oo qandaraas kily jiry oo ky haboong halingty kilaafaadky bedelky ing qaabilang, amy towbarky waalidky ii harungty ma'aluumaadky amy harungty alaabty waalidky bulshithy ee Gobolky; **ii**
2. Ay ing sharahy lahaayi dheefoogy, oo ky dhiirigely lahaayi isti'imaalky, nithaamky heshiisky ee waalidiingty.

Gobolky walibuwa inii haayy liisky dadky dhahdhahaathiyaal aqoong ing leh oo kasaaw shar'yaalky ii heeryaalky la hariiraang bihingty walbarashathy qaasky eh ii atheegyaalky la hariiryi. Wakaalady Walbarashathy Gobolky walibuwa inii doorathaang dhahdhahaathiyaal sy baqtiyaa nasiib eh, wareeg eh, amy sal kaly oo eehla'aang eh.

Gobolky iyaa mas'uul ku eh qarashyaalky ee nithaamky heliisky, oo ky jiry qarashyaalky shirky.

Shir walby oo ku mid eh habky dhahdhahaadingty walibuwa inii ly qobothy wogty ky haboong oo liky qabatho meel athy ii degmathy iskoolky ky haboong.

Haddii athy ii degmathy iskoolky ky haliyaang kilaafaadky habky dhahdhahaadingty, lamaathy dhiny waa inii galaang helisky shar'igy eh kaas oo qeehow go'aangky ii:

1. Sheegaw kully wathy hathalky dhiyi ingtii liky jiry nithaamky dhahdhahaadingty oo ahaad doongty sir oo langky isti'imaaly korny adeyng ahaang dhageysi walby oo nithaamky adaalady eh amy dawathy mathanigy eh (kiisky mahkamaddy); **ii**
2. Ay sahiiheey lamaathiingby athy ii wakiilky degmathy iskoolky kaas oo awood ing leh ing isky hiro degmathy iskoolky.

Helisky dhaxdhahaadingty oo qorang, sahiihanh maybwaa mid liky dhaqanggelii kory mahkamady walby oo dawladdy eh oo awood ing letty (mahkamaddy taaseey oo awood ing letty sithy dhigaaw shar'igy Gobolky sy ing dhageysaty kiiskaang) amy mahkamaddy degmathy ee Mareykangky.

Wathy hathalky kaas oo dhiyi hiligy liky jiry nithaamky dhahdhahaadingty walibuwa inii sir haathy. Mang isti'imaaly koraang sithy adaang ahaang dhageysigy nithaamky adaalady ee mustaqbal walby amy dawathy mathanigy eh ee mahkamd walby oo Federaalky eh amy mahkamaddy Gobolky ee Gobolky halaw aawinaady hoos kooyaasy Qiibty B ee IDEA.

## Eehla'aangty dhahdhahaadiyaagy

Dhahdhahaadiyaagy:

1. Ma nagathy kory shaqaaly ee Wakaalady Walbarashathy ee Gobolky amy degmathy iskoolky kaas oo ku lug leyyi walbarashathy amy daryeelky ee onogaa; **ii**
2. Waa inii ing lahaayni dany gaar eh amy mid hirfad leyyi taas oo kilaafaasy ujeedithy dhahdhahaadiyaagy.

Qofky kaaseey oo sy kaly aqoong ing leyyi sithy dhahdhahaadiyaagy ma eh shaqaaly ee degmathy iskoolky amy wakaalady Gobolky bes sababty etty usy amy iyee may ku biitheey wakaalady amy degmathy iskoolky sy ingky atheegaang dhahdhahaadiye ahaang.

## NITHAAMKY HALIYOWKY

### 34 CFR §300.510

#### Shirky haliyowky

15 bery guthaashee liky bilaaby maddii hely ogeysiisky abashathaa nithaamky adaalady, ii ky hor ingty ing bilaawany dhageysigy nithaamky adaalady, degmathy iskoolky walibuwa inii shir kiily qobataa athy ii hubingty quseeyti amy hubnoogy Koothyy Walbarashathy Shaqsy ahaangky (IEP) kuwaaseey aqoong qaas ing leyyi ee haqiiqooyingky liky aqoongsathy abashathy nithaamky adaalady. Shirky:

1. Waa inii lahak daraa wakiilky ku dareery degmathy iskoolky kaas oo leyyi awoody go'aang gaarowky usy oo mitilaaw degmathy iskoolky; **ii**
2. May liku yaabee inii lingky darny abukaatigy degmathy iskoolky ilaa kiily dareery abukaaty.

Waalidky ii iskoolky degmathy iyaa go'aamiyaayaang hubnoogy la hariiry ee Koothyy IEP sy hangku qiibgalaang shirky.

Ujeedithy shirky maybuwaa athy sy likiily haajoothy abashathaa nithaamky adaalady, ii haqiiqiyaalky kaas oo nagathaw abashathy, sithaas dartiye iskoolky degmathy nnay haaysathee fursady inii ky haliyo kilaafky.

Shirky halingty muhiim ma eh haddii:

1. Athy amy iskoolky degmathy ky heshiitaang qoraal ahaang sy ingky tanaasulaang; **amy**
2. Athy ii iskoolky degmathy ky heliithang inii isti'imaalaang nithaamky dhahdhahaadingty, sithy lahaku sharahy ingwaangky hoosy **Dhahdhahaadingty.**

#### Mudythy halingty

Haddii iskoolky degmathy ing haliiny abashathy nithaamky adaalady sy ingky qanatho 30 bery guthaashee lahaku bilaaby helewky abashathy nithaamky adaalady (ingty liky jiry wogtigy mudithy ee nithaamky halingty), may liku yaabee inii dhiyo dhageysigy nithaamky adaalady eh.

45 bery guthaashee wogtigy la hagaajiyaw go'aangky ingky dambooyi ee dhageysigy nithaamky adaalady, sithy laku sharahy ingwaanky hoos, **Go'aangky Dhageysigy**, may bilaawathee dhiyowky 30-berly mudithy halingty, marky liku reeby qaar ku mid eh wal ky bedelky liky sameeyi 30- bery kalaangdarky mudithy halingty, sithy lahaku sharahy hoos.

Marky liku reeby meely athy ii iskoolky degmathy lamaathingby ky heliitheng inii ky tanaasuleeng nithaamky halingty amy isti'imaalky dhahdhahaadingty, ky guuldareysigaa ku qibgalky shirky halingty may reed ing dhigy doongtee wogtigy ee nithaamky halingty ii dhageysigy nithaamky adaalady ilaa sjirky liku qobothaaw.

Haddii ky baddy sameeyaang dathaalyaalky maquulky eh oo diiwaanggeliyaang dathaalkaang oo kaly, iskoolky degmathy ma awoody inii halo ku qibgalkaa halingty shirky, iskoolky degmathy may liku yaabee, dhimaadky 30 bery kaalangdarky mudithy halingty, ku odsooy sarkaalky dhageysigy ing koo dhaafy abashathy nithaamky adalaady. Diiwaangelingty dadaalkung oo kaly waa inii liky daraa diiwaangky isky degy iskoolky degmathy sy lang hagaajiyaw wogtigy ii goobty, lisky raasangyi sithy:

1. Faahfaahingty diiwaanoogy ee weerowky taleefoongky la sameeyi amy la isky deyi ii natiijiyaalky wa'itaangyaalkaas;
2. Koobigy waraaqaddy lahaking diry ii walaagii jiwaab eh oo la haly; ii
3. Faahfaahingty diiwaanoogy ee booqashayaalky la sameeyi gurigaa amy meely shaqathy ii natiijiyaalky booqoshayaalky.

Haddii iskoolky degmathy ky guuldareysathaang inii ku qabathaang shirky halingty 15 bery guthaashee ee kaalangdarky eh markii la hely ogeysiisky abashathaa nithaamky adaalady **amy** ky guuldareysathy inii haku qibgaly shirky halingty, may weydiisathy kortee sarkaalky dhageysigy inii bilaaby 45 bery kaalangdarky wogtigy dhageysigy nithaamky adaalady.

### **Hagaajiyowky mudithy halingty 30-berly kaalandarky**

Haddii athy iskoolky degmathy qoraal ahaan ky heliithang inii ky tanaasulaang shirky halingty, ku baddy 45- bery kaalangdarky wogtigy dhageysigy nithaamky adaalady may bilaawathee maalingty kaly.

Ky dib bilaawataangky dhahdhahaadingty amy shirky halingty ii ky hor dhimaadky ee 30- bery mudithy halingty, haddii athy ii iskoolky degmathy ky heshiitaang qoraal ahaang ing heshiis maquul ing ahaayni, ky dib 45- bery billy wogtigy dhageysigy nithaamky adaalady may bilaawathee maalingty kaly.

Haddii athy amy iskoolky degmathy ky heliithang inii isti'imaalaang nithaamky dhahdhahaadingty laakiing wely helis lingky gaarny, dhimaadky 30- bery oo bily eh mudithy nithaamky dhahdhahaadingty may liku yaabee inii ly sii wethy ilaa heshiis liky deery haddii lamaathy koohood ky sii wethaang inii ky heliyaang qoraal ahaang. Sy kasty haaby haato, haddii midsho athy amy iskoolky degmathy ku bahaang nithaamky dhahdhahaadingty ingty liky jiry muduthung sii dareeraasy, ky dib 45-berly ee jadwalky wogtigy dhageysigy nithaamky adaalady may bilaawathee maalingty kaly.

### **Heliis rasmy eh oo qorong**

Haddii kilaafky heliis liky deero oo lingky deery shirky halingty, athy ii iskoolky degmathy waa inii galaang heliis shar'iy eh oo ly fuliyaaw kaas oo eh:

1. Ay sahiiheey athy ii wakiilky degmathy iskoolky kaas oo awood ing leh ing isky hiro degmathy iskoolky; **ii**

2. Liky dhaqangelii kory mahkamad walby oo Gobolky oo awood ing letty (mahkamaddy Gobolky oo awood ing lety inii dhageysaty kiiskaang oo kaly) amy mahkamaddy degmathy ee Mareeykangky amy Wakaaldy Walbarashathy ee Gobolky, Haddii Gobolkaa leyyi nithaamyaal kaly amy qaabyaalk kaly kaas oo ing ogolaathaw koohyaalky inii raathiyaang meel mariyowky heliisyaalky ee halingty.

### **Mudithy heshiishky reed ing fiirisky**

Haddii athy ii iskoolky degmathy galaang heliis natiijy eyyi ee shirky halingty, lamaathy dhiny (athy amy iskoolky degmathy) may liku yaabee heshiish sah ing ahaayni 3 bery oo shaqy guthaashee ee wogtigy lamaathing athy ii iskoolky degmathy sahiigtaang heliisky.

## ABASHATHY OO KYSAABSENG NITHAAMKY ADAALADY

### DHAGEYSIGY KYSAABSENG NITHAAMKY ADAALADY EH

34 CFR §300.511, NH Ed 1123

#### Guud

Marwalby abashathy nithaamky adaalady eh la hareeyo, athy amy iskoolky degmathy oo ky lug leyyi kilaafky walibuwa inii haaysaty fursady dhageysigy nithaamky adaalady eehla'aangty eh, sithy lahaku sharahy **Abashathy Nithaamky Adaalady eh ii Nithaamky Halingty** qiibyaalky.

#### Sarkaalky dhageysigy eehla'aangty

Ingky yaraang, sarkaalky dhageysigy:

1. Walibuwa inii ing nagany shaqaaly ky tirsangyi Wakaaladdy Walbarashathy Gobolky amy degmathy iskoolky ee ky lug leyyi walbarashathy amy daryeelky onogy. Sy kasty haaby haatoo, qofky me eh shaqaaly ky tirsangyi wakaaladdy bes sababty etty usy amy iyeethy may beesathy ku biitheey wakaalady sy ingky atheegaang sarkaalky dhageysigy;
2. Waa inii ing lahaayni dang shaqsy eh amy mid hirfad etty oo kilaafaw ujeedithy sarkaalky dhageysigy ee dhageysigy dhatiis;
3. Walibuwa inii haathy qof aqoong leyyi oo fahamaaw qothobyaalky ee IDEA, heeryaalky Federaalky ii Gobolky oo ky saabseng IDEA, ii turjumaaddy shar'igy ee IDEA ee mahkamaddy Federaalky ii Gobolky; ii
4. Walibuwa inii lahaathy aqoongty ii kartithy ky sameeye kory dhageysigy, ii inii sameeyo oo qoro go'aangyaal, waafaqsang oony ky haboon, ky dhagangky shar'igy aathigy eh.

Degmy walby ee iskoolky eh kaasy oo dehiyi habyaalky halingty kilaafaadky oo ku bahsang nithaamky gobolky waa inii haaytaa liisky dadky ing atheegooyi sithy sarkaalyaalky dhageysigy oo ky jiraang hathal ky saabseng sharuuthoogy sarkaalky dhageysigy eh.

### **Mawthuugy ee dhageysigy nithaamky adaaladdy**

Koohthy (athy amy iskoolky degmathy) kaas oo odsathy dhageysigy nithaamky adaalady ma ha qaathy koraang arimoogy dhageysigy nithaamky adaalady oo lang hathal qaadny abashathy nithaamky adaaladdy eh, ilaa koohthy kaly ky rahaang.

### **Jadwalky wogtigy odsigy dhageysigy**

Athy amy iskoolky degmathy waa inii odsataang dhageysigy eebla'aangty eh oo ky saabseng abashathy nithaamky adaaladdy eh lamy siniy guthaashee ee taariigty athy amy iskoolky degmathy ogaathy amy ogaathy lahaayi aringty liku hathaly ee abashathy.

### **Maddii liku reeby jadwalky wogtigy**

Wogtigy kor ky husang maky quseeyi athy haddii athy ing hareeye korny abashathy nithaamky haquuq dhoorky letty sababty etty:

1. Iskoolky degmathy may sy qaas eh ing beeniiteey inii haliithy dhibky amy aringty haku hathal qaady abashathaa; **amy**
2. Degmathy iskoolky iyaa koo reebatheeng ma'aluumaadky kaas oo lang baahanaayi inii athy liky siiyo sithy hoos kooyaasy Qiibty B ee IDEA.



## HAQUUQYAALKY DHAGEYSIGY

### 34 CFR §300.512

#### Guud

Haq iyaa ing letty inii mitilo naftaa ee dhageysigy nithaamky adaaladdy eh. Ingtaas may dheera, kooh walby oo ky tirsangyi dhageysigy nithaamky adaalady eh (oo ky jiraang dhagaysigy la hariiryi nithaamyalky edbingty) may haq ing leyaang inii:

1. La dareery oo abukaatigy kily taliyi ii/amy dadky aqoongty qaasky eh ing leyyi amy tawbarky oo ky saabseng dhibaatiyaalky ee owlaady naafathy eh;
2. Liky mitilo dhageysigy nithaamky adaalady eh abukaaty eyyi amy abukaaty ing ahaayni;
3. Ha bangdhigo adeeynti ii ku hortagy, su'aal weydiyow, oo lang baahangyi inii kooyaang marqaatiyaalky;
4. Ky reebo ha bangdhigowky ee adeeng walby oo dhageysigy eyyi kaas oo langky sheegni koothty ingky yaraang shang bery oo shaqy eh ky hor dhageysigy;
5. Hal qoraal, amy, ikhtiyaarkaa, elektaroonigy, diiwaangky kelmaddy-ereyg ee dhageysigy; **ii**
6. Hal qoraal, amy, iktiyaarkaa, natiijiyaal elektaroonigy eh, ee haqiiqty ii go'aangyaalky.

#### Ma'aluumaadky ee siideeyowky dheeraadky eh

Ingky yaraang shang bery oo shaqy ky hor dhageysigy nithaamky adaalady, athy ii iskoolky degmathy walibuwa inii inis sheegtaang kuly qiimeeyaalky la dhimaaytiry taariigtaas ii taliyaalky ky saleysangyi qiimiyaalkaas ee athy amy iskoolky degmathy ky taly jiraang inii liky isti'imaaly dhageysigy.

Sarkaalky dhageysigy may liku yaabee inii ky hortagy kooh walby oo ky guuldareysato inii ing hogaangsamaang sharuudung inii ha bangdhigo qiimeyngty amy talathy la hariirty dhageysigy iithy oo ogolaangshy langku halny dhinigy kaly.

#### Haquuqoogy waalidky ee dhageysigy

Walibuwa inii liky siiyaa haquuqty inii:

1. Roogo onogaa dhageysigy;
2. Ing fur dhageysigy dadwiinagy; **ii**
3. Haaysooy diiwaangky ee dhageysigy, natiijiyaalky ee haqiiqty ii go'aangyaalky likoo siyi beesy la'aang.

## GO'AANGYAALKY DHAGEYSIGY

### 34 CFR §300.513

#### Go'aangky sarkaalky dhageysigy

Go'aangky sarkaalky dhageysigy haddii onogaa haly walbarashathy dadwiinagy oo ky haboong ee bilaashky eh (FAPE) walibuwa inii ky saleysanaaty adeeng ii dood sy toos ingly hariirty FAPE.

Arimoogy liky eedeeyooyi hadguthubky habraagy (sithy "Koothny IEP-gy oo ing dhimaaytirinaayni"), sarkaalky dhegeysigy iyaa liku yaaby inii ogaathy ing onogaa ing halny FAPE bes haddii hadguthubyaalky nithaamky:

1. Liky farageliyi haqy onogaa ing leyyi walbarashathy guud ee ky haboong oo bilaashky eh (FAPE);
2. Sy wiing iyaa lang farageliyi fursadaa oo ky qiiib qaathathy lahaayti habky go'aang deerowky oo ky saabseng siyowky onogaa walbarashathy ky haboong oo bilaashky eh (FAPE); **amy**
3. Sababty ing onogaa liku qaathy dheefty walbarashathy.

Qodobyaaalky kor lahaku sharahy midshoony mal turjummy kory sy langku hortago sarkaalky dhegeysigy inii amaro degmathy iskoolky inii ing hogaangsamaang sharuudoogy qiiibty ilaaliyowky nithaamky ee heeryaalky Federaalky ee hoos kooyaw Qiiibty B ee IDEA. (34 CFR §§300.500 ilaa 300.536).

#### Odsigy goony eh ee dhageysigy nithaamky adaalady letty

Ma jiry wal ku mid eh qiiibty ilaalingty nithaamky ee heeryaalky federaalky hoos kooyaw Qiiibty B ee IDEA (34 CFR §300.500 ilaa 300.536) may lang turjummy koree ing likoo hor istaago inii hareysato abashathy nithaamky adaalady eh sy goony oo ky saabseng aringty goonithy eh ee abashathy nithaamky adalaady oo hory lang hareeyi.

#### Natiijiyaalky ii go'aangky la siyi guddigy lataliyowky ii dadwiinagy guud

Wakaalady Walbarashathy Gobolky, ky dib maddii tirtirto ma'aluumaad walby oo shaqsy ahaang liky aqoongsathy kory, walibuwa inii:

1. La siyo natiijiyaalky ii go'aangyaalky ky saabseng dhageysigy nithaamky adaalady eh amy rafaang ing gudby guddigy lataliyowky walbarashathy qaasky eh; **ii**
2. Ku dhig natiijiyaalkaas ii go'aangyaalkaas wal haly koraang dadwiinagy.

## RAFAANGYAALKY

### GO'AANGKY EE INGKY DAMBOOYI; RAFAANGKY; REED ING

#### FIIRISKY EEHLA'AANGTY

#### 34 CFR §300.514

#### Go'aangky ing dambooyi ee dhageysigy

Go'aangky liky deery dhageysigy nithaamky adaalady eh (oo ky jiraang dhageysigy la hariiryi nithaamky edbiyowky) maybuwaa tii ing dambooti, maddii liky reeby koooh walby oo ku lug leyaang dhageysigy (athy amy degmathy iskoolky) oo rafaang ku qaathathy koraang go'aangky iyoo sheenaayaang dawady mathanigy eh, sithy lahaku sharahy ingwaangky hoosy. ***Tilaabiyaalky mathanigy eh, oo Mudithy Wogtigy Kaas oo Liky hareeyaw Tilaabayaalkaas .***

#### Natijiyaalky ii go'aangky la siyi guddigy lataliyowky ii dadwiinagy guud

Wakaalady Walbarashathy Gobolky, ky dib maddii tirtirto ma'aluumaad walby oo shaqsy ahaang liky aqoongsathy kory, walibuwa inii:

1. La siyo natijiyaalky ii go'aangyaalky ky saabseng rafaangky amy rafaang ing gudby guddigy lataliyowky walbarashathy qaasky eh; **ii**
2. Ku dhig natijiyaalkaas ii go'aangyaalkaas wal haly koraang dadwiinagy.

## WOGTIYAALKY OO KY HABOONG EE DAKHLIGY REED ING FIIRISKY

### 34 CFR §300.515

Wakaaldy Walbarashathy ee Gobolky walibuwa inii hubiithy inii ingky dambooyni 45 bery dhiyowky ku baddy 30-ky bery ee billy mudithy ee wogtigy shiryaalky halingty **amy**, sithy lahaku sharahy ingwaangky hoosy **Hagaajiyowky mudithy halingty 30-beryy oo billy eh**, inii ingky dambooyni 45 bery dhiyowky ku baddy ee hagaajiyowky mudithy ee wogtigy:

1. Go'aangky ing dambooyi iyaa liku deery dhageysigy; **ii**
2. Kooby oo ku mid eh go'aangky iyaa lang diry mid walby oo ku mid ahaayi koohthy.

Sarkaalky dhageysigy iyaa may liku yaabee inii biiyy wogty kordhiyow qaas eh oo ku bahsang 45-beryy oo billy eh ee mudithy wogtigy lahaku sharahy kor maddii lang fiiriyo odsiga ee dhiny walby (athy amy degmathy iskoolky).

Dhageysy walby walibuwa inii liku qabathy wogtigy ii meel ma'aquul eh oo ky haboong athy ii onogaa.

## TILAABIYAALKY MATHANIGY EH, OO KY JIRY MUDITHY WWOGTIGY LA QOBATHAAW HAREEY TILABAYAALKAAS

### 34 CFR §300.516

#### Guud

Kooh walby (athy amy iskoolky degmathy) kaas oo ingky raasanaayni natiijiyaalky ii go'aangky dhageysigy nithaamky adaaladdy (oo ky jiraang dhageysigy la hariiryi nithaamyaalky edbiyowky) may haq ing leyaa inii sheenaang tilaabathy mathanigy eh oo la hariiry aringty oo etty mawthuugy dhageysigy nithaamky adaaladdy eh. Falky may liku yaabee inii ly sheeny mahkamaddy Gobolky oo awoody ing letty (mahkamaddy Gobolky may awood ing letaa inii dhageysaty kiisky noogung oo kaly eyyi) amy mahkamaddy degmathy ee Mareeykangky iithy oo lingky fiiriiny adadky liky murangsangyi.

## Wogtigy Hadithang

Koohthy (athy amy degmathy iskoolky) sheenaw falky walibuwa inii haaysathaang 90 bery oo billy eh lahaku bilaaby taariigty ee go'aangky sarkaalky dhageysigy sy ing hareeyo falky mathanigy eyyi.

## Nithaamyalky dheeraadky eh

Fal walby oo mathany eyyi, mahkamaddy:

1. May halee diiwaanooqy ee dawathayaalky ee maamulky;
2. May dheegge adeengty dheeraadky eh ee odsigaa amy odsigy degmathy iskoolky; ii
3. May ku salaysangtaa go'aangshe hor ing qaathowky ee addeeyngti may bihiyaasee gargaarky oo mahkamaddy go'aamiito inii ky haboongty.

Maddi lang fiiriyo haalathoogy ky haboong, gargaarky garsoorky may ky jiri koree reed ku biyowky qarashky walbarashathy iskoolky qaasky lang leyi ii atheegyaalky walbarashathy magdhowgy.

## Awooddy mahkamathoogy ee degmathy

Mahkamathoogy degmathy ee Gobolky Mareeykangky may awood ing leyaang inii hukumaang falalky la hoos sheeno Qiipty B ee IDEA iithy oo lingky fiiriiny adadky liky murangsangyi.

## Heerky dhismithy

Walby miky jiry Qiipty B ee IDEA hayiraaddy amy hadithaaddy haquuqyaalky, nithaamyalky, ii daawayaalky liku haly kory oo hoos kooyaas Dastuurky U.S, Shar'igy Uryaangky Ameerikaangky ee 1990, Ingwaangky V ee Heerky Dhagang nagowky ee 1973 (Qiipty 504), amy shar'iyaaalky kaly oo Federaalky eh oo ilaaliyaw haquuqy owlaaddy uryaangky eh, madii liku reeby ky hor ingty lang hareyni dawathy mathanigy eh oo hoos kooyaasy shar'iyaaalkung raathiyowky gargaarky taas oo sithy kaly liku haly kory Qiipty B ee IDEA, nithaamky adaalady ee kor lahaku sharahy waa inii lang dhimaayaa sy ly mid eh haang lang baahathy kory haddii koohthy hareeyto falky hoos kooyaw Qiipty B ee IDEA. Tang mi'inishee maybuwaa inii liku yaaby inii haaysaty daawayaal la haly kory sithy hoos kooyaasy shar'iyaaalky kaly haanaasy oo la jaaqaathaasy haang liku haly kory ee IDEA sithy hoos kooyaasy, laakiing guud ahaang, sy ing haly gargaarky hoos kooyaaw sithy shar'iyaaalkaas oo kaly, maddii ing horeeyti waa inii isti'imaalaa daawayaalky maamulky ee hoos kooyaasy IDEA oo la haly kory (tusaaly ahaang., abashathy nithaamky adaaladdy eh; ii nithaamyalky dhageysigy qaabky adaaladdy eehla'aangty) ky hor ingty mahkamaddy sy toos eh ining banny.

## **MEE LEEYOWKY ONOGY INGTY ABASHATHY IIDHAGEYSIGY NITHAAMKY ADAALADDY LA SUGOOYI**

---

### **34 CFR §300.518**

Maddii liky reeby oo ly biiyy sithy hoos ky qorong ingwaangky **NITHAAMYAALKY MADDII LY EDEBGELIYAW OWLAADY URYAANGKY EH**, mar haddii abashathy nithaamky adaaladdy lang diro koothly kaly, ingty liky jiry mudithy wogtigy habky halingty, ii ingty la sugaaw go'aangky dhageysigy walby oo ky saabseng nithaamky eehla'aangty amy dawathy mahkamaddy, ilaa athy ii Gobolky amy iskoolky degmathy ky heliyyaang haddii kaly, onogaa walibuwa inii ky sii jiraa usy amy iyeethy meeleyowky walbarashathy haddy jirty.

Haddii abashathy nithaamky adaalady eh oo ku lug letty odsigy galawky koowaad ee iskoolky dadwiinagy, onogaa, oo ly jirty ogolaangshigaa, waa inii liky meeleyyaa barnaamijky aathigy eh ee iskoolky dadwiinagy ilaa liky dhimaayo ee kully dawathayaalkaang oo kaly.

Haddii abashathy nithaamky adaaladdy lety oo ky lug lety odsigy atheegyaalky koowaad ee hoos kooyaw Qiipty B ee IDEA ee onogy ky guthubaaw ing liky atheegy sithy hoos kooyaasy Qiipty C ee IDEA ung guthubaaw Qiipty B ee IDEA oo haddy haq ining lahaayni atheegyaalky Qiipty C sababty etty onogy may isky bedeleey seddy, degmathy iskoolky malingky baahangyi inii biithy atheegyaalky Qiipty C ee onogy halooyi. Haddii lang aragy inii ing qalamy onogy sithy hoos kooyaasy Qiipty B ee IDEA ii ing ogolaaty onogaa sy ing helo walbarashathy qaasky eh ii atheegyaalky la hariiryi maddii ing horeeyti, ku baddy, ingty la sugooyi natiijithy ee dawathoogy, degmathy iskoolky waa inii siitaa walbarashathaas qaasky eh ii atheegyaalky la hariiryi kaaseey oo murung ingky jirny (kuwaaseey athy ii degmathy iskoolky lamaathiyoooby ky heshiyeeng).

Haddii sarkaalky dhageysigy qobathy dhageysigy nithaamky adaalady eh ee Wakaaladdy Walbarashathy Gobolky isky rataang ing bedelowky meeleyngty ky haboongty, meeleyowkaas walibuwa inii liily dhagamaa sithy meeleyowky walbarashathy ee onogaa haddy jirty meelaas onogaa sy roogy doony ingty la sugaaw go'aangky dhageysy walby nithaamky adaaladdy eehla'aangty amy dawathy mahkamaddy.

## QHARASHKY ABUKAATIGY

### 34 CFR §300.517, NH Ed 1123.22, RSA 186-c:16-b, V

#### Guud

Fal walby amy da'awad walby oo liky sheeny sithy hoos kooyaasy Qiipty B ee IDEA, mahkamaddy, go'aanshe, may ky sii koree qarashky abukaatigy maquulky eh iithy oo qiiib ku eh qarashaadky athy, haddii athy ky guuleysaty (guuleeysaty).

Fal walby amy da'awad la sheeny sithy hoos kooyaasy Qiipty B ee IDEA, mahkamaddy, go'aangshee, may liku yaabee inii siito qarashky abukaatigy ma'aquulky eh iithy oo qiiib ku eh qarashaadky dareeraang Wakaaladdy Walbarashathy Gobolky amy degmathy iskoolky, sy lang biyo qarashky abukaatigaa, haddii abukaatigy: (a) abashy hareeysaty amy kiisky mahkamaddy oo mahkamaddy ing aragty inii aqli gal ing ahaayni, ma'aquul ing ahaayni, amy aasaasy ing lahaayni; **amy** (b) sii wethowky dawaddy ku baddy dawathy sy ad ing nagaty wal aqli gal ing haayni, ma'aquul ing haayni, amy aasaas ing lahaayni; **amy**

Fal walby amy dawy kasty oo ly sheeny sithy hoos kooyaasy Qiipty B ee IDEA, mahkamaddy, go'aangshee, may liku yaabee inii siito qarashky abukaatigy maquulky eh iithy oo qiiib ku eh qarashaadky dareeraang Wakaaladdy Walbarashathy Gobolky amy degmathy iskoolky, sy lang biyo qarashky abukaatigaa, haddii odsigaa dhageysigy nithaamky adaalady eh amy mar kaly kiisky mahkamaddy lahang bangdhigy ujeedy walby oo ingky haboonaayni, sithaas oo kaly inii lang hangjaby, sy ing sababty reed ing dhiyow lang baahanaayni, amy sy lang rabny lang kordhiyo qarashky falky amy dawathy (dhageysigy).

Waalidky ku mid eh koothy ky guulaysaty mid ku mid eh dhageysigy nithaamky adaaladdy amy rafaangky mahkamaddy ee go'aangky sarkaalky dhageysigy, may haq ing weelathy koree reed ing bihiyowky qarashaadky abukaatigy ee maquulky eh. maddii lang fiiriyo RSA 186-C: 16-b, V, waalidky waa inii ky hareeyaa odsigy reed ing biyowky kharashky abukaatigy mahkamaddy gobolky amy mahkamaddy federaalka 120 bery guthaashee maddii la haly go'aangky Sarkaalky Dhageysigy.

#### Qarashky abaalmaringty

Mahkamaddy may ky abaalmaryaasee qarashky maquulky eh ee abukaatigy sithy ha dareerty:

1. Qarashky waa inii liky saleyyaa qiimagy ky jiry bulshithy dhatiye taasy oo falky amy dawathy ky dhalaty noogy ii tayathy atheegyaalky ly bihiyaw. Wal abaalmaring dheeraad eh ma jiry amy bathiyaagy mal ing isti'imaaly kory ing ly hisaaby qarashky la biyy.
2. Qarashky abukaatigy may liku yaabee inii lang siiny ii qarashaadky la hariiyi mal hanagy kory fal walby amy dawad walby sithy hoos kooyaasy Qiipty B ee IDEA, atheegyaalky la qobathy ku baddy maddii heliis qoraal eh liking sameeyi haddii:
  - a. Ha jeediyowky may liky sameeyeey wogtigy liky sheegy heerky 68 ee Qaynuungky Federaalky ee Habky Mathanigy eh amy, haalady dhageysigy nithaamky adaalady leyi amy reed ing fiirisky heer-Goboleedky, wogty walby ing ku bathang 10 bery oo bily eh ky hor ingty dawathy ing bilaawany;
  - b. Ha bangdhigowky malky aqbalny 10 bery guthaashee oo bily eh; **ii**

c. Mahkamaddy amy sarkaalky dhageysigy maamulky may ogaathee ing gargaarky ingky dambeeyngtii haly oo ing mid eed ingky feyli ha bangdhigowky heliisky.

lithy oo jirty hayiraadyaalkaas, abaalmaringty qarashky abukaatigy ii qarashaadky la hariiryi iyaa liku yaaby ing liking sameeyo haddii ky guulaysaty, oo sy ed ingky addeyti diidmathy ha bangdhigowky heliisky.

3. Qarashky may liku yaabee inii lingky biiny shir walby oo la hariiryi Koothty Barnaamijky Walbarashathy Shakhsty ahaangky (IEP) ilaa shirky la qobathy natiijathy dawady maamulky amy dawathy mahkamaddy.

Shirky halingty, sithy lahaku sharahy ingwaangky hoos **Shirky Halingty**, maling tihgeliyow shirky lisky weery natiijithy dhageysigy maamulky amy dawathy mahkamaddy, sithy kaly maling tihgeliyaw dhageysigy maamulky amy dawathy mahkamaddy ujeediyaalky ky saabseng bihiyowky qarashky abukaatigy.

Mahkamaddy yaraayaasy, sithy ky haboong, tirithy ee kharashky abukaatigy ly bihiyi sithy hoos kooyaasy Qiipty B ee IDEA, haddii mahkamaddy taas ogaaty:

1. Athy, amy abukaatigy, ingty liky guthy jiry koorsathy ee falky amy dawathy, may sy maquul ing ahaayni ing daahiiteey halingty ing dambooyti ee kilaafky;
2. Hisaabty qarashky abukaatigy haddii kaly lang ogolaathy inii liky bihiyi sy ma'aquul ing ahaayni iyaa ku bathang qiimagy saa'adii oo ky jirty bulshithy atheegyaalky iky midky eh abukaatigy leyyi hiraafady, sharaf, ii khibrad ma'aquul oo isky mid eh;
3. Wogtigy liky biyyi ii atheegyaalky shar'igy eh oo ly bihiyi may ahaayeeng kuwoo had dhaaf eh maddii lang fiiriyo noogy falky amy dawaddy; **amy**
4. Abukaatigy athy ky mitilaaw ma siiny degmathy iskoolky ma'aluumaadky ky haboong ogeysiisky odsigy nithaamky adaaladdy leyi sithy lahaku sharahy ingwaangky hoos **Abashathy Nithaamky Adaaladdy leyi**.

Sy kasty haaby haatoo, mahkamaddy may liku yaabee inii ing yaraayni kharashky haddii mahkamaddy ogaaty ing Gobolky amy degmathy iskoolky ing daahiyeeng sy maquul eh halingty ing dambooyti ee falky amy dawathy amy jiraayti hadguthub hoos kooyaw heeryaalky ilaalingty nithaamky ee Qiipty B ee IDEA.



## **NITHAAMYAALKY MADDII EDBIYAASY OWLAADY URYAANGKY**

### **MAAMULKY SHAQAALAGY ISKOOKLY**

#### **34 CFR §300.530**

##### **Go'aamiyowky kiisisky shaqsy ahaangky**

Shaqaalagy iskoolky may ing tigellii koraang haaladdy walby oo qaas eh kiisisky shaqsigy oo ky saleysangy maddii go'aamiyaayaang ing bedelky meeleeeyowky, oo liky suubiyi sharuuthoogy ha dareery ee la hariiry edbingty, oo ky haboongyi onogy oo naafathy eh kaas oo ky hadguthuby heerky angshahgy ardeygy.

##### **Guud**

Ilaa had iyaa sithoo kaly tilaabathaang ing qaathaang oo kaly owlaady naafathy ing ahaayni, shaqaalagy iskoolky may liku yaabee, wal ingku bathanaayni **10 bery oo iskoolky eh** oo isky higyaaang, ku bihy onogy naafathy eyyi kaaseey oo ky hadguthuby heerky angshahgy ardeygy lahaku bilaaby meeleyowky haddy ky jiry usy amy iyeethy ing bedely goob walbarashy oo ky meel deer eyyi oo ky haboong, meel kaly, amy liky joojiyo. Shaqaalagy iskoolky may kaly oo liku yaabee inii haku ruaang ku bihiyaw dheeraad eh onogy wal ingku bathanaayni **10 bery ee iskoolky** isky hig higy isly sinind dugsiyeedkaas dhathayaal shal bedelang oo angshah humy etty, haddii ky biyowkaas ing nagathaayni bedelky ee meeleeeyowky (arag ingwaangky **Bedelky Meeleeeyowky Sababty etty ee Ju biyowky Angshagy** ee sharahaaddy).

Mar haddii onogy naafathy eh liku biyo usy amy iyee meeleeeyowky haddy jiry hisaab ahaang **10 bery oo iskoolky eh** isly sinid dusiyeedkaas, skoolky degmathy walibuwa inii, muddy walby maalmy isky higyaaang liku biyo isly sinind dugsiyeedkaas, ing bihy atheegyaalky ilaa hadky langku baahangyi sithy ingwaangky hoos **Atheegyaalky**.

##### **Hukungky dheeraadky eh**

Haddii dabeeddy ky habdhagangky ky hadguthubaasy heerky akhlaaqthy ardeygy ing ahaayni mid muujiyaasy naafanimathy onogy (arag ingwaangky hoos **Go'aang muujingty**) ii bedelky edbingty meeleeeyowky may ku bathathy doongtee **10 bery oo iskoolky** isky higy, shaqaalagy iskoolky may liku yaabee inii quseeye nithaamyalky edbingty ee onogy oo eyyi naafy sy ly mid eh ii isly hiligy qaabky ing siiyaw owlaady naafathy ing ahaayni, maddii taas liku reeby iskoolky waa inii siiyaa atheegyaalky ee onogy sithy lahaku sharahy hoos **Atheegyaalky**. Koohthy IEP-gy ee onogy iyaa go'aamiyaasy goobty walbarashathy ee bedelky eh oo ky meel deerky eh oo atheegyaalkaang.

## Adeegy

Degmathy iskoolky ma siiyaw atheegyaalky onogy naafathy eh amy onogy naafathy ing ahaayni kaas oo liky biyi usy amy iyee meeleeeyowky haddy jiry **10 bery iskoolky amy wal ku yar** sinid dugsiyeedkaas dhatís.

Onogy naafy eh kaas oo liky biyi meeleeeyowky onogy haddy **wal ku bathang 10 bery iskoolky** ii habdhagangky ma muujiyaasy naafanimathy onogy (arag ingwaangky hoos, **Go'aang muujingty**) amy kaas oo lingky biyi sithy haalathoogy qaasky (arag ingwaangky hoos, **Haalathoogy qaasky eh**) walibuwa inii:

1. Lang sii wethy inii haly atheegyaalky walbarashathy (may haly koree walbarashathy dadwiingy oo bilaash oo ky haboong), sy awood ingky siity onogy inii sii wedetho inii ku qiihgalo manhajky walbarashathy guud, maadaamaa meel kaly (kaas oo liku yaaby goobty walbarashathy ky meel deerky eh oo bedelky eh), ii sy hormar ingky deero hathafyaalky liky dejiyi IEP-gy onogy; **ii**
2. Hely, sithy ky haboong, qiimeeyngty habdhagangky shaqeeyooyi, ii atheegyaalky faragelingty habdhagangky ii wal ku bedelky, kuwaaseey oo lang qorsheeyi ing wal luku qabathy hadguthubky habdhagangky sy mar kaly ining dhiiny.

Maddii onog naafy eh liky biyo usy amy iyeethy meeleeeyowky haddy jiry **10 bery iskoolky** isly sinid dygsiyeedkaas dhatís, ii **haddii** ku biyowky haddy oo eyi **10 bery iskoolky** insky higyi amy wal ku yar **ii haddii** ku biyowky ing ahaayni bedelky meeleeeyowky (arag sharahaady hoos), **marky** Shaqaalagy iskoolky, iyoo la talathaayaang ingky yaraang mid ku mid eh ma'allimiingty owlaady, may go'aamiyaayaang ilaa hadky atheegyaalky lang baahangyi sy ingky suurtageliito onogy inii sii wedetho ku qiihgalky manghajky walbarashathy guud, ing kasty oo meel kaly, ii inii hormariyo sy lang deero hathafyaalky lang dejiyi. IEP-gy onogy.

Haddii ku biyowky eyyi bedelky meeleeeyowky (arag ingwaangky, **Bedelky Meeleeeyowky Sababty etty ku Biyowky Edbingty**), Koothty IEP-gy onogy iyaa go'aamiyaayaang atheegyaalky ky haboong sy awood ing siitho onogy inii sii wedetho inii ku qiihgaly manghajky walbarashathy guud, maadaamaa meel kaly (kaas maybaa liku yaabee goobty walbarashathy ky meel deerky eh oo bedelky eh), ii inii hormariyo sy lang deero hathafyaalky lang dejiyi. IEP-gy onogy.

## Go'aangky muujiyaw

10 bery **guthaashee iskoolky** go'aang walby inii ly bedelo meeleeeyowky ee onogy naafathy eh sababty ky hadguthubky akhlaaqty ardeygy (maddii liky reeby ku biyowky oo eyyi **10 bery iskoolky** isky higyi amy wal ku yar oo ing ahaayni bedelky meeleeeyowky), degmathy iskoolky, athy, ii hubnoogy kaly la hariiraang Koothty IEP-gy (sithy go'aamiiteeng athy ii degmathy iskoolky) walibuwa inii reed ing fiiriyaang ma'aluumaadky kuly la hariiryi feelky ardeygy, oo ky jiraang IEP-gy onogy, kormeerowky malling walby, ii ma'aluumaad walby la hariiry athy liky siyi sy ing go'aamiito:

1. Haddii su'aaly liky hathalooy sababty, amy hariir toos eh oo la taabathy kory ly weelathy naafanimathy onogy; **amy**
2. Haddii habdhagangky su'aaly oo etty natiijathy toosky eh ee degmathy iskoolky ku guuldaraysathy sy ing hirgeliyo IEP-gy onogy.

Haddii degmathy iskoolky, athy, ii hubnoogy kaly la hariiry ee Koothy IEP-gy onogy go'aangsathaang ing mid ku mid eh sharuuthoogaas la buuhiyi, habdhagangky waa inii go'aamiyaang inii eyyi muujiyowky naafanimathy.

Haddii degmathy iskoolky, athy, ii hubnoogy kaly la hariiry ee Koothy IEP-gy onogy go'aangsathaang habdhagangky su'aaly oo ahaayti natiijathy toosky eh ee degmathy iskoolky ku guuldaraysathy sy ing hirgeliyo IEP-gy, degmathy iskoolky waa inii qaathaang tilaaby degdeg eh sy lang haliyo ilithoogaas.

### **Go'aangky habdhagangky ahaayi mid muujiyowky naafanimathy onogy**

Haddii degmathy iskoolky, athy, ii hubnoogy kaly la hariiry ee Koothy IEP-gy go'aamiyaang ing habdhagangky ahaayi mid muujiyowky naafanimathy onogy, Koothy IEP-gy waa inii midshoo:

1. Suuby qiimeeyngty habdhagangky shaqeeyaw, ilaa degmathy iskoolky suubiity qiimeeyng oo dhagangky eh ky hor intgy ing dhiiyn habdhagangky sheeny ing ly bedely meeleyowky, oo hirgeliito qorshagy faragelingty dabee'addy ee onogy; **amy**
2. Haddii qorshagy dhahgalky dhagangky mar hory ly suubiyi, reed ing fiiry qorshagy dhahgalky dhagangky, oo wal ku bedel, sithy lang baahathy, sy wal lingky qabathy habdhagangky.

Marky liku reeby sithy lahaku sharahy hoos sithy hoos kooyaasy ingwaangky hoosy **Haalathoogy qaasky eh**, degmathy iskoolky waa inii ky nagtaa onogy meeleyowky kaaseey oo onogaa lahaku biyi, ilaa athy ii degmathy ky heliithaang bedelky meeleyowky taaseey qiib ku eh wal ku bedelky qorshagy dhahgalky dhagangky.

### **Daruufoogy qaasky eh**

Haddii amy dabee'adaas ing ahaayni mid muujiyaasy naafanimathy onogaa ii ing kaly, shaqaalagy degmathy may liku yaabee inii ku biyaang ardeygy meel kaly oo walbarashy oo ku meel gaar eh (may go'aamiyeeng koothy IEP-gy onogaa) wal ingku bathanaayni 45 bery oo iskoolky, haddii onogaa:

1. May wethethee hub (arag sharahaady hoosy) ee iskoolky amy ky haaysathy iskoolky dhatishub, gooboogy iskoolky, amy hooly hoos kooyaasy awooddy Wakaaladdy Walbarashathy Gobolky amy degmathy iskoolky;
2. Ogyi inii haaysathy amy isti'imaalaw daroogy shar'iy dory eh (arag sharahaaddy hoosy), amy gathaaw amy dalbathaaw gathowky walaagy lahakameeyaw, (arag sharahaaddy hoosy), maddii roogy iskoolky, amy gooboogy iskoolky, amy hooly hoos kooyaasy awooddy Wakaaladdy Walbarashathy Gobolky amy degmathy iskoolky; **amy**

3. Oo ing jeesathy dhaawa halis eh oo korky (fiiri sharahaaddy hoosy) qof kaly ingtii ky sugangyi iskoolky, dhismiyaalky iskoolky, amy hooly iskoolky oo hoos kooyaasy awooddy Wakaaladdy Walbarashathy Gobolky amy amy degmathy iskoolky.

### **Qeehowyaalky**

*Walaagy lahakameeyi* mi'inishee maybuwaa daroogy amy walyaaby kaly liky aqoongsathy jadwalkysubstance I, II, III, IV, misy V qiiibty 202(c) ee shar'igy walahaalky la hakameeyi (21 U.S.C. 812(c)).

*Darogathy shar'iy doroathy eh* mi'inishee maybuwaa walaagy la hakameeyi; laakiing miky jiraang walaagy la kongtoroolaw sy shar'iy eh lang haaysathty amy lang isti'imaaly sithy hoos kooyaasy kormeerky hirfidlaagy daryeelky-aafimaadky oo shati ing haaysathy amy sy shar'iy eh lang haaysathy amy lang isti'imaaly awood walby oo kaly oo hoos kooyaasy shar'igaas amy wal walby oo kaly oo shar'igy Federaalky eh.

*Dhaawagy korky oo halis eh* may leyya miny la siiyi eregyy “dhaawagy korky oo halis eh” sithy ky edyi baragaraafky (3) ee qiiibty hoosy (h) oo qiiibty 1365 ee ingwaangky 18, Heerky Mareeykangky.

*Hubky* may leyya miny la siiyi eregyy “hubky halisty eh” sithy hoos kooyaasy baragaraafky (2) ee qiiibty koowaad hoosy (g) ee qiiibty 930 ee ingwaangky 18, Heerky Mareeykangky.

### **Ogeysiingty**

Taariigty la daarow go'aangky eyyi ing la sameeyo ku biyow taaseey oo etty bedelky meeleeeyowky onogy sababty etty ky hadguthubky heerky angshahgy ardeygy, degmathy iskoolky waa inii ogeysiitaa go'aangkaas, oo ky siito ogaysiisky ilaalingty nithaamky eh.

## **BEDELKY EE MEELEEYOWKY SABABTY ETTY KUBIYOWKY EDBINGTY**

### **34 CFR §300.536**

Ku biyowky onogaa oo naafy eyyi meeleeeyowky walbarashathy ee onogaa maybuwaa **bedelky ee meeleeeyowky** haddii:

1. Kubiyowky maybuwaa wal ku bathang 10 bery oo iskooly oo hariir eh; **amy**
2. Onogaa may liky suubiyeey kubiyowky oo hariisang oo nagathaasy inii hanagnagato sababty etty:
  - a. Kubiyowky hariirky eh hisaabty wal ku bathang 10 bery oo iskoolky eh sinid dugsiyeedky dhaty;
  - b. Dhagangky onogaa may sy ly mid eh ingly mid eyaa habdhagangky onogy oo shilyaalky hory ing dhiyeeng oo sababy kubiyowky hariirky eh; ii
  - c. Arimoogy dheeraadky eh sithy dhiriky ku bihiyaw walby, hisaabty wogtigy onogaa liku bihiyi, ii ing dhowaathowky ky biyy midshee midky kaly.

Haddii hanagnagathy oo kubiyowky nagatho bedelky meeleeeyowky may go'aamiyee haalady ky saleysangty kiisyaalky shaqsigy ee degmathy iskoolky ii, haddii liky horkooyo, may ky hirangtaa inii reed lang fiiriyo iithy oo la rahaaw nithaamky adaalady ii dawathoogy garsoorky.

## GOOBTY EE GO'AANGKY

### 34 CFR § 300.531

Koohthy Barnaamjidky Walbarashathy Shaqsigy eh (IEP) iyaa go'aamiyaasy goobty walbarashathy ky meel deerky eh ee bedelky eh oo lingky talgaly kubiiyowky kaas oo eyyi **isbedeloogy ee meeleeowky**, ii bihiyowky sithy hoos kooyaasy ingwaangky hoosy **Hukungky dheeraadky eh ii Haalathoogy qaasky eh.**

## RAFAANGKY

### 34 CFR § 300.532

#### Guud

May hareeye kortee abashathy nithaamky adaaladdy letty (fiiry ingwaangky **Nithaamyalky Abashathy habky Adaaladdy letty**) sy ing odsaty dhageysigy nithaamky adaaladdy letty haddii ingky raasanaayni:

1. Go'aang walby oo ky saabseng meeleeowky la suubiyi sithy hoos kooyaasy heeryaalkung ee edbingty; **amy**
2. Go'aang muujiyowky kor lahaku sharahy.

Degmathy iskoolky may hareeye koraang abashathy nithaamky adaaladdy letty (fiiry kor) sy ing odsato dhageysigy nithaamky adaaladdy letty haddii aaminsangty ing sii wethawky meeleeowky onogaa haddy jirty may eed ingku dhowtee inii ky sheengty dhaawa onogaa amy kuwy kaly.

#### Awooddy sarkaalky dhageysigy

Sarkaalky dhageysigy kaas oo buuyow sharuuthoogy laha sharahy sithy hoos kooyaasy ingwaangky hoosy **sarkaalky dhageysigy eebla'aangty** waa inii qobothaa dhageysigy nithaamky adaaladdy leyyi oo walibuwa inii sameeyaa go'aang. Sarkaalky dhageysigy may liku yaabee:

1. Haka nag onogaa oo naafathy eyyi meeleeowky meelaasy oo onogaa liku biyy haddii sarkaalky dhageysigy go'aamiyo inii ku bihiyowky ahaayti ky hadguthub ee sharuuthoogy eh lahaku sharahy sithy hoos kooyaasy ingwaangky **Maamulky shaqaalagy iskoolky**, amy habdhagangky onogaa maywaa mid muujiyaasy naafanimathy onogaa; **amy**
2. Dalbooy bedelky meeleeowky onogaa naafathy eh oo liky bedely goobty walbarashathy oo ky meel deerky eh oo ingku bathanaayni 45 bery oo iskoolky haddii sarkaalky dhageysigy go'aamiyo ing ly sii haayo meeleeowky onogaa sy wiing ingky dhawto inii dhaaw ing sheengty onogaa amy kuwoo kaly.

Nithaamyalkung dhageysigy may liku yaabee inii lahku nagy, haddii degmathy iskoolky aaminsangty nagitaangky onogaa meeleeowky hory may eed ingky dhowtaa inii ing jeysathaasy dhaawa onogaa amy haano kaly.

Marwalby athy amy degmathy iskoolky hareeyo abashathy nithaamky adaaladdy letty sy ing odsato dhageysigung oo kaly, dhageesy walibuwa inii ly qobathy kaas buuhiyaw sharuuthoogy lahaku sharahy sithy hoos kooyaasy ingwaangky **Qaabyaalky Abashathy Nithaamky Adaaladdy letty, Dhageysiyaalky Abashoathy Nithaamky Adaaladdy letty** maddii liku reeby sithy ha dareerty:

1. Wakaaladdy Walbarashathy ee Gobolky amy degmathy iskoolky walibuwa inii hagaajiyaang dhageysigy nithaamky adaaladd letty oo degdeg eh, kaas oo inii ky dhiyo la raby **20** bery guthaashee oo iskoolky eh taariigty dhageysigy la odsathy oo waa inii lahaku saaraa go'aang **10** bery guthaashee ku baddy dhageysigy.
2. Ilaa athy ii degmathy iskoolky isky rataang qoraal ahaang inii ky tanaasuleeng, amy ky heliithaang inii isti'imaalaang dhahdhahaadingty, shirky halingty walibuwa inii ky dhiyy **tothoby** bery oo bily eh maddii athy haly ogeysiisky abashathy nithaamky adaaladdy letty. Dhageysigy sii dareery kory sithy dhibky liky haliyi ky qanasangyaang lamaathy dhiny **15** bery oo bily eh maddii ly haly abashathy nithaamky adaaladdy letty.
3. Gobolky may sameeyi koree heeryaalky habky shal bedelang oo degdeg eh dhageysiyaalky nithaamky adaalady marky may sameeyeey dhageysiyaalk kaly oo nithaamky adaalad letty, laakiing maddii liku reeby wogtiyaal, heeryaalkaas waa inii la dareeraang heeryaalky ky jiry dukumiingtigung ee quseeyi dhageysigy nithaamky adaaladdy letty.

Athy amy degmathy iskoolky may rafaang ku qaathathy kortaang go'aangky dhageysigy nithaamky adaaladdy letty sy degdegy eh sy ly mid eh go'aangyaalky dhaegysiyaalky kaly ee nithaamky adaaladdy letty (fiiry ingwaangky **Rafaangky**).

## **MEELEEWYOWKY INGTYLIKY GUTHY JIRY RAFAANGYAALKY**

### **34 CFR §300.533**

Maddii, sithy lahaku sharahy kor, athy amy degmathy iskoolky hareeyo abashthy nithaamky adaaladdy oo ly hariiry dhibyaalky edbingty, onogaa walibuwa inii (ilaa athy ii Wakaaladdy Walbarashathy Gobolky amy degmathy iskoolky isky rataang haddii kaly) may roogee goobty walbarashathy ky meel deerky eh oo bedelky eh oo ly sugooyi go'aangky sarkaalky dhageysigy, amy ilaa dhimaadky mudithy wogtigy ee ku bihiyowky sithy liky sheegy oo liky sharahy sithy hoos kooyaaasy ingwaangky hoosy **Maamulky Shaqaalagy Iskoolky**, mid walby oo dhiyaaw marky hory.

## **KYHORTAGY LINGKY TALGALY OWLAADY WELY**

### **ININGQALAMAAYNI**

## **WALBARASHATHY QAASKY EH II ATHEEGYAALKY LA HARIIRYI**

### **34 CFR §300.534**

#### **Guud**

Haddii onogaa lingky go'aamiiny ing qalmitaangky walbarashathy qaasky eh ii atheegyaalky la hariiryi ii hadguthuboogy angshahgy ardegyy, laakiing degmathy iskoolky aqoong iyaa ing letty (sithy liky go'aamiyi hoosy) ky hory habdhagangky kaaseey oo sheeny tilaabathy edbingty dhiithy, ing onogaa ahaayi onog naafy eh,

marky onogaa may uu sheegy koree mid ku mid eh ilaaliyowky liky sifeeyi ogaysiiskung.

### **Aasaasky aqoongty ee lingky talgaly haalathoogy edbingty**

Degmathy iskoolky may lang qadarii doonee ing ogyi ing onogaa eyyi onog naafy eh haddii, ky hor ingty ing dhiiny habdhaganfky sheeny tillaabathy edbingty:

1. May muujiiteey welwel qoraal eh ing gudbiity kormeerayaalky amy shaqaalaagy maamulky ee wakaaladdy walbarashathy ky haboong, amy ma'alingky onogy ing baahangyi walbarashathy qaasky eh ii adeegyaaalky la hariiryi;
2. May odsateey qiimeeyow la hariiryi naafanimathy walbarashathy qaasky eh oo la hariirty ing qalmitaangky walbarashathy qaasky eh ii atheegyaalky la hariiryi sithy hoos kooyaasy Qiipty B ee IDEA; **amy**
3. Ma'allingky onogaa amy shaqaalagy kaly ee degmathy iskoolky iyaa welwel qaas eh oo ky saabseng qaabky dhagangky ing muujiyi onogaa sy toos eh ingky gudbiyi agaasimaagy walbarashathy qaasky eh ee degmathy amy shaqaalagy kaly ee kormeerky ee iskoolky degmathy.

### **Maddii liky reeby**

Degmathy iskoolky maling qaathathy doony inii leyaang aqoongtung oo kaly haddii:

1. Athy iniing ogolaany ing qiimeeyo onogaa amy diidy atheegyaalky walbarashathy qaasky eh; **amy**
2. Onogaa ly qiimeeyi oo may la go'aamiyeey inii ing ahaayni onog naafy eh sithy hoos kooyaasy Qiipty B ee IDEA.

### **Sharuuthoogy quseeyy haddii ing jirny wal aasaas ing aqoongty**

Haddii ky hor ingty lang qaadny tilaabiyaalky edbingty eh oo haku horjeeddy onogaa inii usy eyyi onog naafy eh, sithy lahaku sharahy sithy hoos kooyaaw ingwaangky hoosy **Aasaasky aqoongty ee lingky talgaly haalathoogy edbingty** ii **Maddii liku reeby**, onogaa may liky suubii koree tilaabiyaalky edbingty kaas oo quseeyy owlaady oo naafathy ing ahaayni kaas oo ky kehy dhagangyaal ing dhigimaaw.

Sy kasty haaby haatoo, haddii laha odsathy qiimeeynhty onogaa ingty liky jiry mudithy wogtigy onogaa lahaku rogy tillaabayaalky edbingty, qiimeeyngty walibuwa inii lang qobathy sy degdeg eh oo feyli.

Ilaa qiimeeyngty la bogo, onogaa may ky sii jiree meeleeeyowky walbarashathy oo go'aamiyaayaang maamulky dugsigy, taaseey oo ky jiri kory buryow amy ky biyowky iithy oo lang halni atheegyaalky walbarashathy.

Haddii onogaa la go'aamiyo inii onogaa eyyi naafy, iithy oo lang tihgeliyaaw ma'aluumaadky qiimeeyowky ee sameeyti degmathy iskoolky, ii ma'aluumaadky liky siyi, degmathy iskoolky waa inii bihiitaa walbarashathy qaasky eh ii atheegyaalky la hariiryi sithy waafqasang Qiipty B ee IDEA, oo ky jiraang sharuuthoogy edbingty ee kor lahaku sharahy.

## INGGUDBIYOWKY TILAABATHY FULIYAAYAANG SHAR'IY FULINGTY II HUKUNGYAALKY GARSOORKY

---

### 34 CFR §300.535

Qiiibty B ee IDEA me eh:

1. Ky mamnuuthy wakaaladdy inii ky warbiihto dembigy oo galy onogy naafathy eh mas'uuliyiingty ky haboong; **amy**
2. Ky hortagy fuliyowky shar'igy Gobolky ii mas'uuliyiingty garsoorky inii guthuthaang waajibaadsho oo ky aadangty dhagangky shar'igy federaalky ii haang Gobolky dembiyaalky oo galy onogy naafathy eh.

### Gudbiyowky diiwaanooqy

Haddii degmathy iskoolky ky wargeliitho dembigy galy onogy naafathy eh, degmathy iskoolky:

1. Walibuwa inii haqiijiyy ing koobiyaalky walbarashathy qaasky eh ee onogy ii diiwaanooqy edbingty ing gudbiyeeng sy ing tihgeliyaang mas'uuliyiingty wakaaladdy ing sheegaasy dembigy; **ii**
2. May liku yaabee inii ing gudbiitho koobiyaalky walbarashathy qaasky eh ee onogy ii diiwaanooqy edbingty bes ilaa ingty ogolyi Heerky Haquuqy Walbarashathy Qoosky ii Qaasky eh (FERPA).



# SHARUUTHOOGY MEELEEWYOWKY EE HALKY DHINY EH EE WAALIDIINGTY OWLAADY EE ISKOOKKY QAASKY LANG LEYYI OO DOWLADDY BIYAASY QARASHKY

## GUUD

### 34 CFR §300.148

Qiiibty B ee IDEA mal ingky baahangyi inii biitho degmathy iskoolky qarashky walbarashathy, oo ky jiraang walbarashathy qaasky eh ii atheegyaalky la hariiryi, ee onogaa naafathy eyyi ee iskoolky qaasky lang leyyi amy goobty haddii degmathy iskoolky suubiyaang walbarashathy dadwiinagy ky haboong ee bilaashky eh (FAPE) oo lang hely kory onogaa ii athy doorathaasy meely ly jeeyow onogy iskoolky qaasky lang leyyi amy harungty. Sy kasty haaby haatoo, degmathy iskoolky meely iskoolky qaasky lang leyyi meely ky yaaly walibuwa inii liky dary onogaa dadwiinagy meelaasy oo baahithis liky ogaathaw sithy hoos kooyaasy heeryaalky Qiiibty B oo quseeyi owlaady kaas oo jeeyi waalidiingtis iskoolky qaasky lang leyyi sithy hoos kooyaasy 34 CFR §§300.131 ilaa 300.144.

### Beesy nagowky meeleeowky iskoolky qaasky lang leyyi

Haddii onogaa markii hory haly walbarashathy gaarky eh ii atheegyaalky la hariiryi sithy hoos kooyaasy maamulky degmathy iskoolky, ii athy doorathaasy sy ingky qorto onogaa iskoolky hoosy ee gaarky eyyi, iskoolky barbaaringty owlaady, amy iskoolky sary ogolaangshy la'aang amy gudbiyow degmathy iskoolky, mahkamaddy amy sarkaalky dhageysigy may liku yaabee inii raby wakaaladdy reed hakingky nagty athy ee qarashky ee diiwaangeliyowkaas haddii mahkamaddy amy sarkaalky dhageysigy ogaathy ing wakaaladaas ing sameeyni walbarashathy dadwiinagy ee ky haboong oo bilaahsky eh (FAPE) oo lang hely kory onogaa wogty feyli ky hory qoraalkaas ii meeleeowky qaasky eh iyaa ky haboongyi. Sarkaalky dhageysigy amy mahkamaddy may liku yaabee inii hely meeleeowky kii haboongyi, hitaa haddii meeleeowky ing buuyny heeryaalky Gobolky kaas oo quseeyi walbarashathy oo biyooty Wakaaladdy Walbarashathy ee Gobolky ii degmiyaalky iskoolky.

### Hadithaaddy beesy nagowky

Nagawky ee qarashky lahaku sharahy baragraafky kor ly yaraayi kory amy ly diithy kory:

1. Haddii: (a) Shirkaa ingky dambooyi ee barnaamijky walbarashathy gaarky eh (IEP) oo ky qiiibgaly ky hor ingtii onogaa lingku biiny iskoolky dadwiinagy, ing ogaaysiingny Koohty IEP-gy inii diidy meeleeowky ha jeethiithy degmathy iskoolky inii siito FAPE onogaa, oo ky jiraang inii sheegto dhibyaalkaa ii ujeedathaa inii onogaa ky qorty dugsigy gaarky eh oo biyaw dadwiinagy; amy (b) Ingky yaraang 10 beryoo shaqy eh (oo ky jiraang fasah kasty oo dhiyi maalingty shaqathy) ky hor ingtii onogaa lingky biiny dugsigy dadwiinagy, my siiny ogeysiis qoraal eh degmathy iskoolky ee ma'aluumaadkaas;
2. Haddii, ky hor biyowky ee onogaa iskoolky dadwiinagy, dugsigy degmathy may ky siiyaasy ogeysiis hory oo qorong athy oo lingky talgaly inii liky qiimeeyi onogaa (oo ky jiraang hathaloogy ingly jeedky ee qiimeeyowky kaas oo ky haboonaayi ii ma'aquulky eh), laakiing athy mang diyaariiny onogy qiimeeyowky; **amy**
3. Maddii ogaaty mahkamaddy ing tilaabayaalkaas ing ahaayni kuwoo maquul eh.

Sy kasty haaby haatoo, reed ing nagowky qarashky:

1. Walibuwa inii lang yaraayni amy lang diidny haddii liky guuldareysathy biyowky ogeysiisky haddii: (a) Dugsigy koo hor istaagy athtsheenowky ogeysiisky; (b) Athy ing halny ogeysiisky oo mas'uul ku ahaayi inii sheengto ogeysiisky kor lahaku sharahy; amy (c) Ing hogaangsanaangty sharuuthoogy kor may eed ingky dhowtee inii ing sheengty dhaawa korky eh ee onogaa; **ii**
2. May liku yaabee, iithy oo go'aangsaty mahkamaddy amy sarkaalky dhageysigy, ing liky yaraayi me eh amy ly diithy haddii ky guuldareysaty inii sheengto ogeysiisky lang baahanaayi haddii: (a) Ma etty qof wal aqriyaaw amy ma qory korty Ingiriisky; or (b) Ing hogaangsanaagty sharuudy kor may eed ingky dhowaathy kortee inii insg sheengty dhaawa halis eh hegy dareengky ee onogaa.

## Qeehowky Maalmoogy ii Noogy ee “Maalmoogy”

“Maalingty” may liky sharaheey Qiiibty 300.9 ee IDEA sithy:

(a) **Maalingty** mi'inishee maybuwaa malingty bily haddii sy kaly lang muujiyo sithy maalingty shaqathy amy maalingty iskoolky;

(b) **Maalingty shaqathy** mi'inishee maybuwaa Isniingty ilaa Jimaathy, maddii liku reeby maalmoogy Federaalky ii fasahyaalky Gobolky  
(ilaa maalmoogy fasaghy sy qaas eh lingky darny maga'aabisty maalingty shaqathy, sithy ky jirty

Qiiibty 300.403(d)(1)(ii); ii

(c) (1) **Maalingty dugsigy** mi'inishee maybuwaa maaling walby, oo ky jiraang maaling barshee oo owlaady roogaang  
dugsigy ing jeediyaalky walbarashathy

**LIFAAQY A:  
Ogeysiis Qorong Oo ky saabseng Istimaalky Dheefyaalky ee Dadwiinagy amy Eymisky**

**OGEYSIIS QORONG OO KY SAABSENG ISTI'IMAALKY DHEEFYAALKY EE DADWIINAGY AMY EYMISKY**

Waalidky amy Mas'uulky Qaaligy eh,

May ing halooytee ogeysiiskung qoraalky eh sy king siity ma'aluumaadky ky saabseng haquuqyaalkaa ii ilaaliyowkaa sithy hoos kooyaasy shar'igy federaalky ee walbarashathy gaarky eh, Shar'igy Walbarashathy Shakhsiyaalky Naafathy eh (IDEA), ee ky saabseng isti'imaalky onogaa ee dheefty guud amy eymisky onogaa. Gudthaagy New Hampshire "dheefty dadwiinagy amy eymisky" kaas oo eyyi Medicaid-ky, kaas oo liky bihiyaw barnaamijky Medicaid-ky ee Dugsiyaalky Gobolky, oo ky jiraang barnaamijyaalky Medicaid-ky ee liky biyaw hay'addy daryeelky ly maareeyooyi. lithy oo lang maraaw Medicaid-ky Barnaamijky Dugsiyaalky, degmayaalky dugsigy NH-thy ee gobolky kulishee may halooyaang malayaamiing doolar sinid walby taas oo haddii kaly liky raby inii ku kooyto iloogy maalgelinty ee Gobolky amy deegaangky.

Maalgelinty IDEA iyaa biyahooyti qiiib ku mid eh walbarashathy qaasky eh ee onogaa ii atheegyaalky la hariiryi. Maalgelinty ky kooyti dheefyaalky dadwiinagy amy barnaamijky eymisky, kaas oo ky jiry NH maybuwaa Medicaid-ky, sithoo kaly may lang isti'imaaly koree degmathy dugsigaa sy lingky aawiyo oo ing biitho walbarashathy qaaky eh ii atheegyaalky la hariiryi oo ky saleysangyi IEP-gy onogaa, laakiing bes haddii doorathaasy inii biitho ogolaangshigaa. Degmathy iskoolky ma gali kory dheefoogy Medicaid-ky ee onogaa haddii kiing sheengto qarashky athy, sithy yaraayowky dheefoogaa amy kordhiyowky ee qarashyaalkaa.

Degmathy iskoolkaa iyaa mas'uulmku eh inii haqiijiyo inii onogaa halooyi kuly atheegyaalky usy/iyeethy IEP-gy, maddii liku reeby haddii athy siitho ogolaangshy ee degmathy iskoolky sy ing isti'imaaly eymisky dadwiinagy onogaa amy dheefyaalky. Haddii athy ing siiny ogolaangshy, amy kuly nagaty ogolaangshagaa ku baddy maddii athy siithy, atheegyaalky onogaa walby miky dhii doony; atheegyaalky kuly ee IEP-gy onogaa sii dareery doony inii ly biyy. Sithoo kaly malkoo raby inii ha odsaty diiwaangky amy Medicaid-ky ee onogaa sy ing hely atheegyaalky walbarashthy qaasky eh.

**MARKY OGEYSIIS QORAAL EH WALIBUWA INII LY SHEENY**

Ky hor degmathy iskoolkaa may ky weydii koree inii ing sheengty ogolaangshagaa sy lang galy Medicaid-ky onogaa markii ing horeeyti, waLIBUWA inii iking sheeny ogeysiiskung ee haquuqyaalky ii ky hortagy liking hely kory sithy hoos kooyaasy IDEA.

- IDEA may ing baahangtee inii ing sheengto ogeysiiskung ky hor degmathy iskoolky may raathiyoooyee inii isti'imaaly Medicaid-ky onogaa maddii ing horeeyti,
- Ky hor ingty lang halny ogolaangshagaa sy lingky isti'imaaly dheefyaalkaa maddii ing horeeyti; **ii**
- Sinid walby ku baddy

Ogeysiiskung qorong walibuwa inii liky qory, luuqad fahamy koraang dadwiinagy guud ii luuqaddy aathaa amy qaab kaly likiily hariiry kory athy isti'imaalaasaa, ilaa sy ad suurtagal ing ahaayni ing sithaas la sameeyo.

**OGOLAANGSHIGY WAALIDKY**

Ky hor ingty degmathy iskoolkaa ing isti'imaalny dheefoogy guud amy eymisky amy onogaa maddii ingky horeeyti sy ing bihiyaang walbarashathy gaarky eh ii atheegyaalky la hariiryi ee hoos kooyaasy IDEA, walibuwa inii helaang ogolaangshagaa oo qoraal eh oo sahihangyi oo taariigeysangty. Degmathy iskoolkaa may kiing sheeny doongtee athy foomky ogolaangshigy sy athy ing sahihthy oo taariigty ky qorto. Degmathy iskoolkaa may bes rabtee inii haly ogolaangshigaa *hal* mar.

Sharuudy ogolaangshigy may letaa lamy qiiבוד:

1) Ogolaangshig siideeyowky ma'aluumaadky shaqsy ahaang onogaa liky aqoongsathy kory ma'aluumaadky ee wakaalady gobolky

mas'uul ku eh maamulky Medicaid-ky.

- Sy ing galy Medicaid-ky onogaa, ma'aluumaad qaas eh oo shaqsy ahaang liky aqoongsathy kory iyaa ly siideeye doony ujeedithy biilky ee degmathy iskoolky ee wakaaladdy Medicaidk-ky Gobolky amy wakaaladdy biilyaalky Medicaidk-ky. Sithy hoos kooyaasy shar'igy federaalky ogolaangshigaa oo qoraal ahaang eh iyaa lang baahangi ky hor degmathy iskoolky siideeye kory maluumaadky shaqsy ahaang liky aqoongsathy kory (sithoo kaly maghaaghy onogaa, iwaangky, lambarky ardyegy, IEP-gy, amy natiijyaalky qiimeeyowky) lahaku bilaaby diiwaanooqy walbarashathy onogaa ee koohty oo ing ahaayni degmathy iskoolkaa, maddii liku reeby qaar ku mid eh. Ogolaangshagaa hory, ing isti'imaalky Medicaid-ky onogaa, may ing ogolaathee degmathy iskoolkaa inii siideeyo ma'aluumaadky shaqsy ahaangky liky aqoongsathy kory, may ling baahangyaa beesy nagawky Medicaid-ky, ee wakaalady Medicaid-ky Gobolky amy wakaaladdy biilky Medicaid-ky.

2) Warbihingty sy ing galo Medicaid-ky onogaa:

- Ogolaangshagaa inii ing ogolaato degmathy iskoolky inii isti'imaalaang Medicaid-ky onogaa wal kharash eh mikingky bahaaw, ii wal dhib eh miky weelathy doony atheegyaalky kaly malku maaramaangky eh aafimaadky onogaa ky haly kory nithaamky Medicaid-ky. Maybaa jiree ky hortag oo gaar eh oo ky saabseng isti'imaalky Medicaid-ky:
  - Degmathy iskoolky walibuwa inii ku haly ogolaangshy waalidky oo qoraal eh ky hor ingtii ing isti'imaalny Medicaid-ky onogy maddii ingky horeeyti.
  - Degmathy iskoolkaa ma galy kory (isti'imaalky kory) Medicaid-ky onogaa haddii isti'imaalkaas nagathy lahaayti:
    - Yaraayaasy eymisky nololy oo ly hely kory amy dheefy kaly ee Medicaid-ky;
    - Natiijathy maybaa etaa ing qoosky biyaang atheegyaalky aafimaadky malku maaramaangky eh (haddii liky biyy guthaagy iskoolky amy meel kaly) kaaseey haddii kaly dabooly kory Medicaid-ky onogy.
    - Kordhy kidmathyaalky (meelii quseeyti) amy horseed ing nagaty joojiyowky dheefy amy aymisky; amy
    - Katarty qasaarathy ee ing qalamowky gurigy ii bulshithy oo ky saleysangty ky tanaasulowky, ee ky saleysangty isky dar ahaang qarashyaalky la hariiry aafimaadky.

## OGOLAANGSHY KU NAGATHOWKY

- Haddii siitho ogolaangshagaa ee degmathy iskoolkaa inii shaa'iyang ma'aluumaadky shaqsy ahaangky onogaa liky aqoongsathy kory wakaaladdy Gobolky iyaa mas'uul ku eh maareeyowky Medicaidk-ky onogaaprovided, may haq ing letaa inii kuly bahy kory sithy dhigaaw shar'igy federaalky ogolaangshigaas ee wogty walby.
- Haddii athy ing fathaany degmathy iskoolkaa inii sii wethy biilkaa amy dheefoogy dowladdy ee onogaa amy barnaamijky eymisky oo lingky talgaly walbarashathy qaasky eh ii atheegyaalky la hariiraang sithy hoos kooyaasy IDEA, may ing baahathy doongtee inii kuly baty ogolaangshagaa kaas oo king ogolaathaasy degmathy iskoolky sy ing galaang dheefiyaalky Medicaid-ky ee onogaa. Maddii kuly bahaasy ogolaangshigaa, may joojiyooytee maamulky degmathy iskoolky inii galaang dheefoogy dowlad Goboleedky ee onogaa amy barnaamjidky eymisky. Ku nagathowkung ee ogolaangshigy may dhaganggalee maddii degmathy iskoolky halaang risiidky ku nagathawkaa oo sahihang.

---

*Buuy qiiibty hoosy BES haddii waalidky/mas'uulky ku nagathooyi ogolaangshigy galowky Medicaid-ky onogy*

**OGOLAANGSHY KU NAGATHOWKY**

Maghaaghy ardeygy: \_\_\_\_\_ Taariigty  
Dhalashithy \_\_\_\_\_ / \_\_\_\_\_ / \_\_\_\_\_

Lambarky Aqoongsigy Medicaid-ky \_\_\_\_\_

Ky waalid/mas'uul ahaang ardeygy kor ky qorong, may la nagatheey ogolaangshagey oo haayi inii ing ogolaathy degmathy iskoolky inii galaang Medicaid-ky onogy. May fahamsangyaa ing haang mi'inishee etty ing degmathy iskoolky inii ing awoothy doongny inii isti'imaalaang Medicaid-ky onogy sy ingky aawito biyowky qarashky walbarashathy qaasky eh ii atheegyalky la hariiry onogy. Ku nagathowkung ee ogolaangshigy may dhaganggalee maddii degmathy iskoolky halaang risiidky waalidky/mas'uulkyky ee foomky *Ku nagathawky Ogolaangshigy* oo sahihangyi.

---

Sahiiggy Waalidky

---

Taariigthy Geegy

*Asalky ing eyyi ardeygy-----koobigy waalidky/mas'uulky*